




05155



江南溧縣

趙紹祖琴士手

鈔



男國積孫同璋仝校



阮元字伯元號芸臺江南儀徵人乾隆己酉進

士入翰林今官兩廣制府

先生最精漢學訓詁尤所專長聞所著甚夥雖從書

肆售得數種終未能一窺全豹詩則五古宗法漢魏七古逼近盛唐亦祇從諸選本錄出不免遺闕之憾辛未秋法詩龕以書米致先生見愛之意且以唐流金陀羅尼小碑搨本并手書釋文見贈猥以平生不事遨遊且耻干謁不得恭謁門牆然知己之感未嘗一日不往來於胸中也

約同里諸子為經籍纂詁

六經麗中天大義轉相注周文監夏殷先聖導其

蘭言集

卷四

一

路謚法及序卦始有解與詁葦籥發笙簧椎輪創大輅秦炤如螢燐簡編自完具書傳孔伏學詩分齊魯故西京迄東京師儒以百數揚許勒專書鄭高博箋註方言旁可通古語遠能泝典午斯風微隋唐漸虛驚宋代聞性天雅訓飽蟬蠹國家右文德復旦鳴發煦學士立如林人具九經庫文字識考老音釋起沈痼千聖百王言精辨非皮傅惟以古訓辭萬卷各分寓散者未克貫渙者鮮能聚弱冠讀遺經於茲畧通悟丁未遊燕京儒生接席遇慨然念茲業衆力乃齊赴

自註余於丁未晤大興朱錫唐陽湖孫星衍桐城馬宗璣乃共

約斯舉歆移博士文。雄具輶軒素。分韻借劉臻。集字

鄔丁度。平地一簣慙。棄井九仞懼。拜手吾鄉賢。共

為將伯助。決擇偏義訓。披覽窮章句。始焉括經史。

終亦及子賦。自注易詩二經及諸子。屈原騷賦尚未措手。小學數萬言。疇以是

為務。自注說文廣雅士林。倉頡等亦須人任之。搖動心旌。千里馳遐慕。苟

能藏成事功。若禹鼎鑄。源委貫穿詳切詳盡。生平所學於此見之。

聖壽院西南石壁上有龍洞出入里許

神龍扶壁入。破壁復飛去。龍去壁已穿。介然用成

路。當門立大佛。乍見心疑怖。石立面如削。曾向夢

中遇。過此入深隧。秉燭始暗度。俯行頂接踵。相呼

蘭言集 卷四 二

不相顧。一隙復生明。如夜忽嚮曙。不知出何山。奇

險更難步。手中得葛蘿。足下生松樹。蜿蜒攫爪痕。

是我題名處。奇景奇情。着筆如繪。

曉過四十九盤嶺至能仁寺

曉程將何之。四十九盤嶺。嶺高盤愈仄。曲折緣修

綆。肩輿未及上。相顧色已警。凌緬惑回棧。心怯息

尤屏。平生磊落懷。到此不敢騁。既登丹嶂高。坐見

海天永。白雲湧潮聲。初陽生樹影。越嶺山西谷。條

忽闢靈境。奇變出恆情。震蕩不自省。行行至招提。

幽籟泛虛靜。中慄既已平。嵐重衣裳冷。

馬鞍山

林薄無疏景。川谷莽回互。崖轉得新蹊。境深忘舊路。延緣入東谷。修嶺詎可度。盤磴引高情。飛泉入危步。沈雲散靈風。萬石盡豁露。停策聊憩息。于焉蔭嘉樹。宿心既申寫。景物相招遇。徘徊下層巒。嶺脊難久住。

登靈峰望五老靈芝諸峰

雲外日已頽。游者殊未倦。複谷窅以深。羣峰闐然見。參差各離立。戍削盡成片。負岫忽中空。直罅裂如線。凌厲出林表。蟠逕將升顛。三休始及上。九折石猶旋。當門飛冷泉。入腹抗高殿。竒觀意已驚。靈跡情彌戀。靈芝若可採。吾將問佺羨。以上數首皆極似小謝

蘭言集

卷四

三

六月二十一日為歐陽文忠公生日。賓谷都轉設祀于揚州官閣。以詩奉簡。

昔年君祝坡公壽。香霧紛紛落春酒。風流玉局仙人後。今年君壽歐陽公。虹橋淥水生芙蓉。花霧四壁香濛濛。歐公本是神仙客。早歲登朝天子識。書編五史紀春秋。錄成萬紙蒐金石。滁州移節又揚州。此地鶯花近玉鉤。携酒竹西歌吹地。青琴人在木蘭舟。聞說閬山通閬苑。自注用歐公詞句樓高會與君家

見四枝芍藥早開春。萬朵荷花更傳讌。使君家世
南豐孫。心香一瓣師。歐門文章風采俱相似。人說
歐公。今後身碧筒。酌酒流霞翠。玉簫吹徹花陰碎。
紅箋寫遍詩人詩。綠酒邀來醉翁醉。此時涼雨潤
簾旌。定有荷聲襟雨聲。低按臨江仙一曲。依然樓
閣斷虹明。平山堂外垂楊樹。此是歐公舊遊處。堂
上曾吟春茗詞。壁間自改秋聲賦。六一流風今尚
存。每從勝事感遺文。蜀岡照見花如海。猶是天邊
月二分。公生之年景德四。時維六月歲丁未。屈指
于今復幾籌。七百年餘三十二。君祝歐公我祝君。

蘭言集

卷四

四

蓮花世界共芳辰。題襟館裏傳花讌。應憶蘇隄放
棹人。潘蘭如云蘊藉
風流悠然不盡

大龍湫歌用禁體

山迴路斷谿谷窮。靈湫陰閔龍所宮。眼前無石不
卓立。天上有水皆飛空。飛空直落一千尺。鬼神不
任疏鑿功。絕壁古色劃爾破。山腹元氣冲然通。涓
涓靜注絕不動。羲輪下照神和融。有時飛舞漸作
態。已知圓嶂生微風。一甌春茗啜已盡。水花猶復
搖玲瓏。颯然乘飈更揮霍。隨意所向無西東。不向
尋常落處落。或五十步百步皆濛濛。豈料仙境在

人世誰作妙戲惟天公。雲煙雨雪銀河虹。玉塵冰
穀珠簾櫳。世間變幻那足比。若涉擬議皆非工。石
門飛瀑已竒絕。到此始歎無能同。惟有天柱矗立
龍湫中。突兀萬古爭雌雄。

華頂茅逢

華頂茅逢底。枯僧忘世情。披雲采春茗。剗雪得黃
精。虎蹟穿林見。龍腥帶雨生。此中五百輩。疑有應
真名。

試鴈蕩山茶

嫩晴時候焙茶天。來試天台鴈蕩泉。十里午風添

蘭言集

卷四

五

暝。渴一甌。春色門清圓。最宜蔬筍香厨後。况是松
篁細石邊。玉茗遺編須記取。我家多種此山田。
自注湯顯

祖云鴈蕩山種
茶人多姓阮

雨後泛舟登滙波樓

急雨才過水上樓。門前爭解木蘭舟。垂楊小屋菰
蒲岸。不聽涼蟬已覺秋。
丰韻似
漁洋

黃鉞字左君一字左田江南當塗人乾隆庚戌

進士入翰林今官戶部尚書

余嘗一遇先生於蕪湖
邵東田士鈴家見其器

字軒昂議論發越蔚然為士林之望後官京師遂不復
相見無從得其全集僅就友朋處鈔得數首以見一斑

嘉慶辛酉六月五日苦雨述病

一雨竟五日。客舍成清溪。中堂坐張蓋。拳曲如雞
棲。墻傾見南鄰。屋塌傳街西。可憐祖叅軍。終日頭
常低。維時遭腹疾。請醫限塗泥。種。受苦惡。若剥
生蟹臍。我雖號老饕。味不離菜畦。逾旬再食肉。無
故不殺雞。南艘購筍脯。北甕求冬壘。要得好滋味。
重令加鹽醢。瓜果絕不嘗。冬偶食一梨。致病必有
因此。因真無稽。將刀剖我腹。刮洗煩金鑑。坐想乃
成夢。夢賦歸來兮。道逢長桑君。授藥纔刀圭。入口
便霍然。仰見紅日躋。上堂拜吾兄。入室見吾妻。諸
兒喜我歸。嬌孫索提携。徘徊五經塾。乾鵲迎人啼。

蘭言集

卷四

六

家人自今請。勿再親輪蹄。儒冠不餓死。慎勿行自
迷。檐聲忽驚覺。苦雨猶淒淒。因雨得病因病成夢
信筆寫出凄然入情

十四日又雨感賦

昨日日未出。朝霞紅若火。今晨雞三號。窓黑起不
可。已微雨必來。霏微耐猶頗。須臾又翻盆。萬箭急
飛等。將母炙雷車。不絕膏流輒。不然逃乖龍。千載
脫囚鎖。嗷。哀鴻哀。戢。裸蟲裸。大哉我。
皇恩博濟。錢來夥。北農樂無多。飽噉餅生裹。奈何
靳區。絕彼萬頤朵。雨師亦至仁。敢與
聖心左。急為捲洪波。還我塵垢埋。寒須種木棉。饑

可食瓜果人海同一心。哀祈豈惟我。

硬語相銜似出昌黎之筆

樹堂讀書白紵以詩見寄。因作畫賦詩奉答。
清暉渺難極。作畫當登臨。忽誦故人句。如聞清磬音。
山空雲戀谷。松老石堅心。見說幽棲好。苔花繡碧岑。

湖上贈范叔度

樓船飛渡六師歸。照海旗幢夜有輝。萬馬夾營能草檄。百牢饗士看椎肥。木華作賦才無敵。宗慤乘風願不違。六月西湖新漲滿。與君談笑洗征衣。

雄渾

洪亮吉字稚存號北江。江南陽湖人。乾隆庚戌

蘭言集

卷四

七

進士第二人及第官編修所著有附鮎軒集

八卷卷施閣集二十卷

北江最精小學留心地理所著皆足羽翼前賢詩則五言追縱大謝以性好遊山故所作近七古安武青蓮風發泉湧一往莫禦尤為人所難及其餘諸體亦皆脩美無一襲前人牙後語也

歲除以酒炙酌亡僕窺園并繫以詩

自余為諸生。汝即侍左右。皖江隨學使。姑孰依太守。兩年居白下。一載住京口。逮擢明經科。相從浙東走。窮冬遭大故。九死返林藪。汝也痛哭隨。衣穿露跟肘。經年墜廬內。料理及糴渡。一僕乘間逃。蓬門汝兼守。余心感其義。待汝乃不苟。除喪來日下。百事益紛糅。春秋兩闈試。十上九顛踣。屈指十五

年所值苦不偶。親知久相棄。汝乃誓不負。落十數州。商量覓升對。遊梁才匝歲。客陝時最久。申謀金半百。為汝歸娶婦。南下不半年。長饑婦先詬。跟蹌復追及。訴室有病母。汝才工料事。兼復習科料。每寫百幅書。人疑出余手。余交徧區宇。能一數某。某孫黃暨崔趙。識我交最厚。不來同我憶。來即具尊酒。各能諳食性。默為理菘韭。武昌城郭外。客歲歷申酉。地也南北衝。村墟雜花柳。平生汝頗謹。苦被僚僕誘。到此亦有由。都緣婦奇醜。妄心希外遇。或可副箕帚。放艇夜渡江。時逐鷄狗。衙推頻乘

蘭言集

卷四

八

隙間值墨尿。殿有時方縱笑。遭我出行陞。厲色一禁之。鞭笞願甘受。扶疴方就道。風雪復連嘍。余來幸通籍。解汝顏色恹。遣歸迎眷屬。兼為覓糧糗。汝時雖已病。聞語尚抖擻。今年附舟至。面色益昏黝。殷勤覓醫藥。病早醫乃後。短至節氣長。時伏床。嘔屏除諸食品。日僅啖菱藕。沈疴由自取。將死乃一剖。彌留三兩日。作札呼汝舅。瞠目不得言。頭從枕邊叩。卅年為一世。誰識汝不壽。汝行雖廁僕。汝義實兼友。汝不善攝生。吾行又誰咎。急為馳惡耗。書至月已九。汝母哭定癡。汝父顏亦叟。伶仃遺弱

女學語未離殼。一棺雖草。必為枕邱首。除夕醉
一杯傷心。汝知否。不來同我憶此。僕真是難得
使我早與北江友亦當哭之。

界亭驛南以山險肩輿增繹夫八名

卅日歷萬山。所幸軀未損。今晨出門望。失喜忽一
晒。輿丁增八箇。繫繹筍輿本。為言途崎嶇。藉此力
勉。黽不然。升陟壁。或復致狂窘。我感郵卒意。百計
致安穩。回思立身處。曾未藉牽引。茲雖憑衆力。失
足亦能殞。途同蟻旋磨。客類牛負紉。高低既相倚。
曲折若施準。天路即可通。吾心尚當忖。自謔言處用
意甚深。

由華津洞登蓮花峰

蘭言集

卷四

九

直石立作龕。橫石卧作厖。尤竒穿石樹。宛與石形
肖。巉巖理斜出。阻客入深輿。彈碁形畧具。伊昔誰
所造。擾々此暫停。茫々發孤嘯。陰厓落蟲篆。絕壁
出鳥道。擡頭礙峰頂。側足限石竅。寧知雲路滑。欲
下心尚掉。齋心無妄念。平地冀可到。洗眼看北山。
參差入斜照。

由鳳凰山半至勝果寺復從寺後尋石門及

仙姑洞郭公泉升天梯諸勝

幽人欲移筇。石石步下嶺。前行三兩客。一一如墮
穿峰竒。非意想。欲去屢延頸。玲瓏穿石罅。時漏夕

陽影飛樓當山腰。屋古極脩整。升臺雖百級。坐處尚如井。搜竒興尤劇。屋後豁異境。雙扉斗然落。一水過清冷。迤西峰雜遝。欲往迫短景。空處忽有梯。延緣望山頂。

奇景須得此筆寫之

榮陽城

榮陽城高百尺。因阜築城如鐵色。漢王夜出城西門。榮陽以東屬楚人。惜哉一鹿抵死爭。食肉不足思分羹。當時若翁幸不烹。乃火紀信燔周生。嗟兩烈士殉主亦殉名。我行天下歷州七。竒險莫若榮陽。城君不見榮陽城。值太平。排百雉。無一兵。閤

蘭言集

卷四

十

人午卧門掩扇。百戰古城今下。

縣摶有力是北江最用意之作

陶太守易守淮安日。入古寺見維摩詰旁像。

周公孔子侍立。因斥維摩象毀之。重建惜陰書院中。楹祀先聖先師。而使諸生讀書。其旁彭少司空元瑞。既為作惜陰書院記。余復繫之以詩。

浮屠之言竟如此。孔子吾師之弟子。空譚惑世已足誅。况敢模金鑄形。似居然右孔復左周。手搢兩笏還垂旒。此方儒者不能闢。無乃學術人心憂。淮安太守行春暇。古壁流觀發驚訝。三千畫繪經橫

滕五百復驚僧出舍。大呼斥出象與獅。縱有法力
寧能施。正周南面孔東面。盤辟雅拜尊吾師。我聞
外侮人所召。史記無端列三教。原注謂魏收北魏書能驅楊墨
世已稀。奏敷淫祠政。尤要羣經揀架梵。篋沈太守
建堂名惜陰。傳之後世俾勿失。莫使浮屠闢入室。

有功世教之事
有功世教之文

趙大懷玉寫經圖

小時一筆不得書。吾母教以分行跡。小時一字不
能識。吾母教之先點畫。識從一字至九千。寫自一
筆幾連篇。年華屈指心先悚。書欲如山筆成冢。人
蘭言集

卷四

十一

言學術有淵源。我視庭闈若周孔。自傷孤露東家
子。不謂君前亦如此。卅年文譽冠九州。可識從親
授。書始白雲溪頭橫舍東。吾親若親昔過從。互依
膝下問竒字。各舉傳記談如風。檐前風樹聲無定。
不待孤兒讀書竟。生平不造痛亦同。六十三年月

冬孟。原注吾母及君母葉宜人壽皆六十三下世又皆以十月貽親望子以令名。我免

為惡慙先靈。即論至性愧君甚。泣血寫遍千回經。

吳門日昨來何駛。共展雙圖淚難止。原注時余亦以寒

長題篇不敢寫。今稱母但知兒小名耳。一結

宜溝行

凄絕

宜溝驛中逢節使。三日馬蹄行不止。衝途驛馬苦不多。役盡民馬兼民騾。民騎不給官家食。更要一騎增一卒。馬行三日力不支。馬病乃把民夫笞。長鬚壓後尤無忌。急選官騾訪官伎。民田要兩官要晴。一日正好兼程行。車前輿夫私歎息。曾與此官居間。壁官前應試。苦力疲百錢得驢。說若飛君不見。人生貴賤難如一。不是蹇驢偏有力。借車夫言調侃不少

山房與邵侍御晉涵話舊兼呈曹侍御錫齡
劉檢討錫五張運判道渥

憶昨從君遊。青山謝公宅。五更搖夢醒。君苦行不

蘭言集

卷四

十二

得出門。殘月尚在牆。照見四野黃。花黃傍花前行。衣袂香。綠鬢欲與花爭光。看山百度。花千度。鏡裏朱顏已非故。五嶽雖成汗漫遊。一春每被風光誤。洪厓仙人寧足誇。君亦嬾種青門瓜。雲山無意忽相合。且捨山果烹谿茶。對床七輩今誰似。可惜三人已前死。原注壬辰三月同遊青山七人今朱竹君先生張上舍方海黃二尹仲則並下世學士才名上舍詩。還餘李嶠真才子。今日張顛有替人。曹劉聯轡出風塵。青松白石談遙夜。艷李天桃訂好春。

原注時約明歲三月重遊

朱孝女奉親圖 并序

孝女發源人誓志不嫁以養父母父凶事
母幾二十年及母沒孝女年已五十依兄
弟以居繪父母象懸室中朝夕事之如生
其兄某為作奉親圖索詩云爾
二十事父母三十依偏親四十作藐孤哀
暵逮晨昏父凶事母亦凶高齋却掃為影堂影堂西偏
鬼所住生死不離親一步行年五十不下堂父母
以外無尊章畫師敬復瞻顏色髮白未笄何可得
椿兮萱兮合作圖傍有几榻兼詩書君不見孝可
生孝可死由周秦逮今此伊誰作配光青史北宮
蘭言集

卷四

十三

之女嬰兒子

楊兵備揆兩至黔中皆不及見今得書知又
抵軍營寄懷一首

我生遊跡殊通達禹貢九州今歷八雖然輸爾涉
河源遠度崑崙越哈察東西南北五萬里頭上翠
翎風細戛如拳大字如椽筆先把天山石摩刮銘
功紀德字五千高比浮屠七層剝居然遠壓神邱
頌何日重煩墨工刷丈夫志業真難量一半藐貅
歸統轄昨來雪嶺今炎山車不停輪况脂牽花門
異種方稽顙五姓苗偏肆輕滑盤陀斗絕隆惻險

飛。度。休。誇。地。形。北。搜。牢。匝。月。肯。暫。停。山。搏。熊。羆。水。
擒。獺。滇。黔。楚。蜀。雖。同。勦。神。武。聖。仁。非。嗜。殺。杈。枒。怪。
樹。當。山。巔。百。歲。根。株。一。朝。拔。尚。煩。竒。計。參。帷。頓。
使。蠻。方。靖。戈。鍛。讀。君。露。布。才。益。竒。鬼。膽。先。看。破。羅。
壘。寧。知。馬。上。殺。賊。手。正。復。翻。如。俊。鶴。相。思。苦。欲。
專。人。訊。道。遠。又。苦。泥。滑。重。陰。天。氣。發。一。棧。霉。雨。
應。零。八。行。札。矯健絕倫正
復翻如俊鶴

法祭酒雪窓課讀圖

堂中一寸書。門外三尺雪。孤兒讀未完。慈母心若
結。朝行課讀書。暮行課讀書。孤兒業甫成。慈母年

蘭言集

卷四

十四

先祖衰親無百齒。積雪不踰月。所以人子心。常思
事親日。感君與我孤露同。六歲七歲稱孤童。貧家
無師讀不得。卒業皆在紗帷中。雖然我與君稍異。
憂患餘生復難記。五雅三蒼業縱同。經句九食談
何易。白雲前頭一曲谿。原注余昨繪機聲燈影卷
子亦圖太安人課讀時事昔者我
友曾分題。長檠無光短檠繼。持較此卷殊依稀。我
家茅三層。君家竹千箇。我家屋比君家破。雪朶盡
從頭上墮。君家門向左。我家門向右。我家雪比君
家厚。徹夜有光飛甕牖。可憐遲暮猶耽讀。只惜春
暉杳難續。每值窮冬風雪辰。攤書時向茅檐哭。吁

嗟乎今年之雪非去年今日之景非從前安得衰
親常存雪不化兒寧讀書終老茅檐下

千里茲特多選其至
性流露足以諷世者

北江詩大約如
黃河東注一瀉

靈巖山重辰畢尚書墓感賦

江左方傳箭天南佇洗兵

原注時聞
川陝捷音

更馳新露布無

復舊書生邱壑心徒戀

原注公屢欲
遂初不果

巖蠻氣未平松

杉識人意都作怒濤聲

雄健似
老杜

再偕友人登黃鶴樓

仙人真復好樓居樓影涵江江影虛一客正携京

口酒百錢復得武昌魚相邀話舊三層閣共展臨

蘭言集

卷四

十五

風尺一裙却望洞庭西灑淚素交詩句十年餘

原注
壁間

見亡友黃仲則
庚寅年詩句

東流江舟憶唐縣尉軼華却寄二首

原注唐
尉此縣

頻從使節到江干

原注壬辰戌戌皆
隨學使者兼至此

秋半江聲帶雨寒

雙鬢綠慙為客改四山青憶上樓看故人作尉功

名冷小閣臨流烟水寬甚欲寄書憐道阻倚檣離

思忽無端

未因善哭識唐衢肩拍洪厓廿載餘春水到橋同

喚渡綠楊垂巷共隣居巢門尚記雙鷓鴣釣艇頻

携尺鯉魚憐爾宦遊予久客夕陽荒徧舊茅廬

聞銅仁日來復有賊警兼辰水決城數丈馮
侍郎光熊率官弁晝夜堵禦寄懷一首

天乙虹梁暑雨交。昨傳江水決城壕。蠻中穰稔紅
千頃。峽裏舟船綠半篙。六月可能平板楫。一軍聞
尚駐松桃。蕭蕭白髮籌邊夜。誰識馮唐志。意勞

雄渾

螺磯夫人像為方廉使昂賦

廟門斜對石磯開。一日靈潮兩度來。好屬錦鱗三
十六。劉郎浦口寄書回。

識力居然軼輦羣。卷中依約說三分。二喬莫更誇

夫婿。天下英雄只使君。

妙語令人神旺

蘭言集

卷四

十六

吳頭楚尾路迢迢。家國多年恨未銷。咫尺望夫山
上石。一般心事付江潮。

一賦驚鴻謗議騰。寓言詞客本難憑。洛川終古留
遺憾。不及江波澈底澄。

重抵蘆溝橋有懷凶弟

橋下層冰積雪寒。春明重到感無端。白鬚老吏當
車立。猶是欵欵說故官。

端木煜字星垣江南江寧人乾隆庚戌進士官

戶部主事

星垣年甫四十即予告歸其恬退甚不可及生平善與人交久而能敬晚愈好學買書數萬卷朝夕

披覽無一日懈詩工七律和平溫雅一如其為人

孫爾準字平叔江南金匱人嘉慶乙丑進士入

翰林歷任安徽福建巡撫

先生五古似小謝五律似王孟惜不多見僅從友朋

鈔得數首然古光片羽彌見其可珍也

晚晴登環翠亭

日脚溜晚晴庭樹孤影直草濕宜筍鞋危亭快登陟
決旬人到稀檐前蛛網織久苦弱繩床登臨散結
齋周遭瞰城郭縱目天際極前山濕黛濃冷翠未
可拭雲寒落遠汀蒼然起秋色臨風增暮寒顧影
帽欲側暝色催人歸草徑蟲唧唧

落筆脩然令人意遠

十一月廿六日見雪喜賦

十九

蘭言集

卷四

殘夢逼朝寒披衣犯清曉不知雪已深重門閉猶
悄戶外竹無聲垂綠見折篠冰條綴枯枝鑑影映
曲沼對此神魂清凜然俗氛少登梯拓寒窓皓如
月出皦遠近辨微茫頗覺眸子瞭千里雲色同長
天絕飛鳥粟起玉樓寒擁爐召朋好共和尖叉詩
湘醪泛深縹

為顧卞聲題龍隱山圖

遠山曉霽雲模糊望中黛色半有無是何下筆風
雨快浮雲掃盡青峰孤竭來幾載到嶺嶠閉門應
被山靈笑瞥見高堂五尺圖點染青蒼得真貌孤

舟一葉泊遠汀。篔簹影裏風冷。漁竿擲處發清
嘯。雨絲灑面宿酒醒。空堂卧對。忘晝永。翠色蒼然
撲衣冷。可能借作三日游。一洗從前俗塵凝。

早春聞鴈

客散忽疎雨。空齋聞鴈聲。蕭蕭孤影過。瑟瑟暮寒
生。怨別情方切。懷人歲已更。相思江水上。煩爾再
南征。

昨夜登北樓有懷

共此青。天月高樓思不堪。故人渺天末。春色老湘
南。鴻鴈九霄斷。山河一氣涵。不知留賞久。更鼓已

蘭言集

卷四

二十

搗三如出屈翁山手

北樓

招客憑欄暮靄收。鰕鬚八尺捲雙鉤。斜陽樹影千
家晚。過雨蟬聲五月秋。涼氣已疎陶侃柳。濤聲直
到庾公樓。更聞前渚紅蓮褪。好上瓜皮一葉舟。
高亮

吳鼎字山尊江南全椒人嘉慶己未進士入翰

林官侍讀學士

山尊最工駢體沉博絕麗見者目驚詩善疊韻層出不窮未得見其全集僅就選本

錄之實無一語寄入牙後

放生招同志用東坡先生岐亭韻

羣命畢杯羹一飽求多汁。奚翅草菅人酷吏。方東

濕春風回枯荑。生理湏臾得。請充不忍心。延此殘喘急。命畜鄭國魚。看放唐亭鴨。方乳矢勿發。已漏網不罾。亦有姥好善。食報龜眼赤。亦有雀受飼。來獻白環白。臨池浴鷺衣。開窓對鷄幘。時悟濠濮樂。因聞芒碭泣。菹兒芥有孫。足補給鮮缺。好善誰不如。廣告大羅客。朝入功德林。謝者夕已集。

題張雪鴻畫冊並贈用前韻

霜鐘氣感聲。月鑑光生汁。窮谷吹管溫。晴天雨花濕。君藝疑鬼神。君心忘得失。遠志去官輕。閒情涉園急。階除飲鳥雀。鄰舍習鷺鴨。賓筵寒無氈。陰屋蘭言集。

卷四

二一

風不冪。發興青林。青着色。赤岸赤俯視。楊契丹尚友。陶貞白。擲筆傾百壺。伸紙岸孤幘。喜作谿桃笑。悲寫江竹泣。乞君墨戲妙。資我筆陣缺。卻惜卧遊圖。乃贈遠行客。無緣感蘇髯。不歸笑虞集。

詠趙忠毅公鐵如意倒用前韻

公仕衆正從。公黜羣邪集。秉憲失楊左。舉國授魏容。太阿或可倒。干將那肯缺。遺此百鍊剛。傳之萬世泣。初操選郎印。繼冠尚書幘。臣志在澄清。吏私拒開白。入手七星寒。頸銀故剖心一寸赤。請劍動漢廷。揮樂去魯纂。共聽喑鳳肯若泛。鴨如意良

復難求治詎嫌急。聚鐵錯已成。荷戈死亦得。一歌
朔風悲。再舞塞雲濕。逆案已如山。毅魄不銕汁。

疊韻詩難

得如此自然
無牽強之跡

不灰木爐

西海陰火燃。太行六月雪。地氣實資之。不沃亦不
滅。偉哉純陽精。德盛流金鐵。何物質幹固。頓使汝
力竭。蕭邱木重熇。已灼非奇絕。獨數徐吾產。靈根
一種別。惜未辭斧斤。干霄已折泄。剗中鏤其外。致
用意良屑。薪材本同林。忽憂剥膚切。那知性難鑠。
氣焰徒爾烈。燧人古神人。值此肘應掣。想當焚如

蘭言集

卷四

二二

初真氣自團結。我聞至人者。入火能無藝。飲以玉
池肥。溉我初生蘖。君子處富貴。炙手中不熱。堅白
惟自完。百試不磨涅。高齋積霰晴。雄談茗爐設。即
物悟真性。詎患干將缺。何必火中蓮。更從我佛說。

奇物須得此奇筆寫之後
幅推論筆力更為橫絕

王澤字子卿江南蕪湖人嘉慶己未進士入翰

林官徐州知府

余嘗遇太守於寒木春華之館見其書法
秀倩畫尤氣韻生動詩不多見僅從梅抱

村鈔此數首筆力
正復雄健絕倫

次黃左田師苦雨韻答梅抱村

都官雄詩聲。其家為宛溪。卜築來建康。華木成幽

樓我從歲元默。挂帆風送西。上堂拜家慶。往。白
日低。翁文如歐陽。隸書印。泥。四方飲香名。芬芳
如麝臍。門前五柳樹。屋後一菜畦。君當英妙年。鶴
立軒羣雞。飯我脫粟飯。玉糝勝金齏。重之。以。婚姻
氣味。并鹽醢。何期。絕命。蓀。不作。同心。梨。君才如太
阿。新鋒。淬泥。稽。我學。落如。髮。種。不足。銳。京居共
一廬。新知莫樂兮。茶清烹粟粒。瓜冷嚼冰圭。豈知
兼旬雨。相望不得躋。君為河漢女。我為后羿妻。就
君安樂窩。不憚衾裯携。雍。鸞鳳音。雜以寒螿啼。
對床話江鄉。歸思縈輪蹄。回首二十年。昨夢了不

蘭言集

卷四

二二

迷語言閒嘲笑。風雨忘湫。

左師四疊五疊溪字韻見示均未得答次又
雨韻奉致以為三舍之避
屋漏旋復。徽被濕急。火行住坐。卧間。竟至無一
可稍。雲勢散。吟興愜亦頗。清風來四阿。落日懸
半倚。從公欲命車。泥深空繫鞵。一步不得行。人生
此韉鎖。打門索畫債。為之盤礴裸。急思買舟逃。翻
羨襪材夥。誰知奚奴來。又送一詩裏。有如優曇花。
頃刻三百朵。教戰令森嚴。鼓右復鼓左。攻險而押
強。弭塵更揚堞。恰憐鈍根人。欲乞智慧果。夫子其

喟然曰也非助我

夜雨欲眠抱村強奕不已逃局而卧聽勉之

與奕仍用前韻

抱村有棋癖。如燥就以火。我不愛楸枰。強之卻不可。每當會食後。相與彈亦頗。臨敵怪君猛。落子若飛苛。三百六周天。渾圖象轉輾。歷々衆星燦。曲々長河鎖。苦思頭屢眩。汗戰身為裸。賈元乃詐敗。商於地失夥。誰知有強鄰。龍牙暗中裏。劍耀秋水光。鎗舞梨花朶。出入陣圖中。右右而左左。招以騶虞幡。集騎更起塚。決勝千失一。不勝勝乃果。一色黑

蘭言集

卷四

二四

子中虛白乃觀我

門險押強與抱村工力悉敵

朱煌字焜埤號蔚堂江南當塗人嘉慶己未進

士官知縣

歸自豫章晉謁石君夫子讀抱甕園聯句因

次元韻奉正

翩然一舸歸。思不開。蓴菜講席許暫睽。高堂忍久背。壇杏仰從森。陔蘭欣晝夢。謬以下吏身。復齒書生輩。治術愧迂踈。文藻謝繁績。無謀斂英鋒。不競息前鋏。朝漱姑溪波。暮挹青山黛。偶爾匡廬遊。皤然五老對。勝攬攬在初。奇觀觀者再。一帆挂秋風。

雙棹因風退。皖公峰正高。膺門謁肯貸。藝林徹重
高。詞府開結礙。額誦五字詩。頓豁雙眸昧。後圃晚
崧肥。短畦秋花配。譬彼經義繁。母使傳疏廢。又若
陳豆籩。用以佐鼎鼐。烹葵詠自幽。苦秀記從戴。餐
英楚騷歌。治牆爾雅載。漢陰機不生。樊生學常在。
運甕惜陶陰。揮金絕華態。玉筍排琳琅。雲片琢肝
肺。錦繡裁天孫。珠璣吐玉妃。艷比采春華。清如餐
夜漉。我後三日來。心維終身佩。先生教且勤。弟子
力未逮。暇日姑含章。清時敢用晦。明德知自崇。壯
年詎弗愛。區、志涓埃蕩。宗海岱。塵慮久思芟。

蘭言集

卷四

二五

蓬心知益溉。拔薤懋前猷。茹荼守分內。倚歌垂五
聲。題字慚百琲。勉旃服師訓。髓洗而毛伐。一氣揮灑
音節自然

荅家樹堂大兄見寄潯州元韻

六旬昆季八千程。一紙書傳萬種情。瘴海望窮鴻
鴈影。悲歌唱斷鷓鴣聲。原注來詩
極淒惋碧窻剪燭青林寺。

紅樹尋秋白下城。擬共長公重聚首。抽身何日宦
緣輕。

勞人五載別鄉關。老去虞翻鬢總斑。苦憾撞猿隣

巒嶺。還憐竹馬繞潯灣。綠林盜遠秋江靜。原注沿江
多盜搜捕惟
有思君頰悵望。原注每月課
士親為甲乙

盡殆

雲中一髮認青山。

左暄字春谷江南涇縣人乾隆丁酉拔貢生官

蒙城教諭

春谷所著三餘偶筆其中論韻甚精詩不苟作亦清穩有致

秋雨喜晴

久雨愁無奈新晴見碧空。衰蠅貪旭日病葉畏秋風。遠嶂千層出孤城一望通。懸知霜氣肅星夜聽

飛鴻

三四寫喜字入情

嚴風驅晚霽復此尚勾留。濕月猶無色寒雲不肯流。昏雅趨碧澗宵鼓急高樓。獨有棲遲客蒙茸嘆敝裘。

蘭言集

卷四

二六

朱怡字亦周號行九江南涇縣人廩貢生官歙縣訓導侯選州同知所著有行九遺草

憶梅

憶昔寒梅放巡檐索笑忙。羯來憑借問曾否已含香。驛路誰人寄清宵客夢長揚州何遜在東閣獨仿徨

通首寫憶字入神

歸途入江南境

路入江南便不同。軟塵飛處是和風。山光掩映微雲裏水色空明夕照中。宿鷺溪邊千點白寒梅嶺外一枝紅。下車已喜鄉關近翹首何須嘆轉蓬

起超

楊斫字景山雲南太和人乾隆戊申舉人官來

安縣知縣 景山靜氣迎入其吏治亦以恬靜為務故其詩如其為人

黃山鍊丹臺圖

我昔遊九華。振衣足忘倦。四顧到兇孫。黃山當其面。積翠天際來。雲物時譎變。惜為宦跡羈。未獲一攀援。結想經六載。展圖欣所見。三十二蓮峰。高臺鬱葱倩。容成與浮邱。三五勤燒鍊。下有芝草香。上有天風扇。冥情交坎離。揮手掣雷電。神仙雖荒唐。慨然生遐羨。 明知荒唐而生遐羨古今實同有此情

烟寺晚鐘

蘭言集

卷四

夕陽天欲低。空山鎖烟霧。杳靄古招提。中有高人住。林莽杖錫歸。暝入盤曲路。鳥雀寂不喧。漁燈迷遠渡。蒲牢鳴一聲。涼月挂高樹。 韋柳遺意

望日逢生日。荔扉以酒為祝。

祿養何曾遂。雙親已白頭。持君今日酒。動我十年愁。回首雲山遠。傷心歲月流。相看俱萬里。風雨感綢繆。

酬胡彥升見懷元韻

六年仍故我。雲物幾回新。况復同心侶。常為兩地人。天邊鴻影斷。枕上漏聲頻。迢遞幽并路。 原注時彥升客京邸

余客
山西 難消萬斛塵。

贈袁蘇亭十三先生

十五年前已退耕。八千里外尚孤征。半生著述追
騷雅。垂老交遊足性情。帆入雷池雲乍合。夢回滇
海月同清。何時得遂溪山約。把手瀾滄共濯纓。
江上青山雨後痕。逢君我更憶陶村。原注令五兄春風舊
許我師友。古道誰如君弟昆。別有閒愁同作客。相
看碧草欲銷魂。篋中剩有詩千首。歸向難兄仔細
論。一氣轉旋下筆有神

左暉字雲巖江南涇縣人乾隆丙午舉人官東

蘭言集

卷四

阿縣知縣

秋日書懷

秋風瑟瑟送寒來。得失蟲雞志未灰。月魄忽驚愁
裏滿。燈花偏向醉中開。人安恬靜常無事。士到昇
平不見才。况復身閒匏未繫。雲山佳處且徘徊。五六有味

歲暮曹工漫興

風雪淒然入戶道。曹工執掌亦堪憂。劇憐歲似難
留客。却笑身如不繫舟。白屋連雲迷水國。黃金成
土障河流。哀鳴鴻鴈于飛日。滿目蒼涼動遠愁。

江南涇縣趙紹祖琴士手鈔

男國楨孫同璋全校



張祿光字仲子號竹軒江南滁州人歲貢生所

著有竹軒詩鈔

余友潘蘭如極稱竹軒之詩嘉慶丁丑余同訓滁州竹軒適往鳳陽不得見其高足

陳君子愚以其詩并書來致相慕之意為鈔若干首竹軒詩幽深古澹樂府音節逼真漢魏近體吐屬清雋絕無點塵蒙其筆端洵為高曠之士

獨漉篇

悲歌獨漉舟凝車覆獨漉悲歌滅頂奈何青之
樹灼之枝葉之相附秋霜間之秋風蕭條絲竹

蘭言集

卷五

變音豈無絃歌祇攬余心高世厲俗謂之君子投
筆出門人稱壯士沙磧茫茫馬瘡雪中四顧無人
但聞悲風驅馬渡河水寒波起知我國士我為之
死積慮傷智久困見情俯仰失據嘆息平生

拉雜無端想見

其胸中不可一世

有所思

江之水自以為深曾不知離人心此心何所目極
江以北江以南波之回回嫋嫋秋風我今欲渡無
榜人思心不可禁美人別我響絕光沉秋雲對我
陰森秋雨為我淫江上之山青嵯峨我之不渡

謂之何。

長干曲

君作長干客。妾在長干住。渡頭楊柳花。是妾門前樹。

捉搦歌

不願為仙住瑤島。不願王昌出身早。長願春花比儂好。花亦不飛儂不老。

他生願作同心草。生則同榮死同槁。蕩子十年在遠道。莫道不來來亦老。言之傷心真令人喚奈何也

蘭言集

卷五

二

每謂東門行。竊笑北門詩。昨得室人書。中多愁苦辭。益無斗米儲。中饋焉所為。居人無能為。行子久不歸。荏冉秋復春。暈勉寒與飢。不惜妾自飢。所念菽水虧。遑恤身上寒。所憐兒無衣。君子勉自愛。終寔敢交摧。客遊雖復樂。不如歸舖糜。省書情輒轉。氣結淚交頤。

嬌女方五歲。愛好姿態妍。其妹方三齡。相攜欲齊肩。知我將遠行。終日夜齊牽。婉孌強解事。不索懷中錢。窮困依慈母。不見今踰年。聞說日問母。父在天。何邊。或云汝父歸。欣奔造門前。連呼不一應。挽

之不肯旋望望眼欲穿清淚何連

二首語語真摯悽惻動人

客中送桂巖歸滄洲

我家江之南君家海之北相去三千里生小不相識去年始相逢同作揚州客傾蓋氣味親如以膠投漆遠人離骨月良友即至戚况復心相於連床數晨夕君奉高堂命歸心晝夜急余懷聚散情慕侶深悽惻連朝雨淫淫虛堂晝昏黑預愁索居苦行坐心快悒留君義不可懷歸恨無極涼風吹征衣殘月照離室我母亦倚閭天涯遠相憶豈不望我歸憐我歸不得客况日抗墜所得不償失恐傷

蘭言集

卷五

三

顧復心家書忍言及送君歸省視使我淚沾臆河梁落日寒孤禽飛不息雲山天共遠江河晚流急目送征帆去盡日汀洲立

遠人一聯非久客者不能道

學劉公幹

驚鳥氣凌厲上窮天宇寬春至乃為鳩飛槍榆枋間搏風失健翮自顧愧形顏茅鴟肆狂虐藩鷄爭往還仰見冲天鶴高颺不可攀體變令性拙運逝傷身閒何當霜風疾盤雲振羽翰苟且因鵲巢陰雨殊未安

別有寄託非僅以音節逼真見長

詠史

荆卿遭目攝。蒼然但趨避。淮陰出袴下。覲顏不知愧。范叔困魏胥。折脇那復計。豫子事中行。庸碌乏能事。四君生平殊。要有益世氣。當其得知己。英風動天地。窮途值妄人。忍耻晦竒志。髡鉗季布勇。矐目漸離知。豈有蚊蚋嚼足介。壯夫意入薛。感馮驩。盟楚識毛遂。從來好士人。相士猶憤。玩世成耿介。吾慕柳下季。

九月十一夜酒醒漫書

金風吹霜夜寒重。秋聲漲天星。芒動庭木僵。立鬱森聳心。孤夜寐驟驚。恐鷄聲鴈聲無定方。野菊着露飛殘香。酒醒夢覺思故鄉。徙倚無賴還空房。空房無人月入戶。窻紙窸窣窺鬼嘯。雨古壁燈昏跳鼯鼠。小僕惡卧方謔語。

放歌

擣蒲不逢劉寄奴。方罫不逢謝安石。痛飲不逢籍與伶。高吟不逢甫與白。迂踈日日覺囊羞。落拓年年任頭責。竭來投筆思從軍。擊劍將為萬人敵。忽然思種南山田。耦耕荷蓀皆豪賢。興來欲訪赤松子。餐霞馭氣層城裏。或言為賈亦不惡。居竒欲贏樂上樂。公子高義識賣漿。婦女知名嗔賣藥。世間

無可無不可。古人有言我為我。冠沐猴。騎土牛。齊
庭抱瑟將誰尤。酒闌狂歌故態出。呼羣博奕聊消
憂。筆力縱橫
奇情四溢

宣石山歌集牛揮雲太守宅同江鄭堂黃秋

西巖蘇平張舊山焦禮堂林庾泉作

宣石池縱方二尺橫倍之朱魚綠藻涵清漪池上

山嵌空雲構何巒屹再成三襲紛崑巒山有瀑絡

石縈崖瀉幽谷谷口分流幾迴曲溢為礮崑懸豎

流珠玉濺山根大溪百泉灌其上橋石梁跨溪連

山榭其左短行惟通樵橋邊路陟巔必循此途去

蘭言集

卷五

五

山前山後幾盤互造其巔石帆岫幌均天然孤雲
鬱起流茶烟相其陽鷄頭熊耳爭低昂壺中九華
焉足方轉而左險峽陰森復磊砢銳而高岑狹者
墮山之陰蛇盤鳥道深復深幽草裕、迷石林山
多木中林定有幽人屋崖口陰、四時綠豁者洞
內窺竊訝林亭衆南柯郡國寔非夢達其右崩雲
下垂其勢陡倒景玲瓏浸溪口山六尺卧遊若窮
幾朝夕處、題詩勒崑石

曲折抒寫極恍惚迷離
之致起結特用意點明

金陵別王鶴嶼妹丈外甥介農五弟硯溪
親愛久離難久聚何堪更為臨別語侵晨出門君

不知獨自含悽。到江漭。到江不忍。即登舟回首。高
城我心苦。登舟那願舟行遲。挂帆又復心依依。撫
身始憐骨肉遠。轉眼但覺鍾山低。悵望江城在何
許。江雲一鴈求其侶。汝飛相隨宿相依。為求稻粱
歷洲渚。我心羨爾得自由。謂不如爾解輕舉。江遠
天空誰汝驚。相失何時在何所。可憐客鳥如羈人。
弋者無情忍相侮。孤客善懷臨路歧。暝色秋光伴
侶稀。呼船夜渡情落寞。蓬底坐聽村中鷄。霜夜沽
酒月淡。荻花如水風淒。酒盡無聊且假寐。夢
中猶是將分攜。語語從至情流出
令讀者一任情深

蘭言集

卷五

六

觀書

今此旅懷百不堪。把卷勝與時人談。老僧看經但
遮眼。竒思與意時微參。多年意思忽感觸。欣然諫
果方回甘。得意急欲向人語。口對俗客如三緘。古
人之心通余意。及其聖處令余慙。雖云此其糟粕
耳。無窮義蘊猶中含。無言之言在神會。語言文字
誰能芟。每念鑿江校書日。日入秘閣披琅函。迫
於程限難悉記。精妙字字能心諳。異味羅列促。亟
食不及咀嚼。逾令饒輕舟出峽。愛山水過眼恨不
容幽探。人情所戀孰不爾。空花變滅憐優曇。得窺

寶藏意已快。欲盡攜取。寧非貪。近來觀書。聊適意。倦即掩卷。無余監。虞卿窮愁。益好事。笑余困頓。慵且愁。畢竟此中。孰不厭。又聞譙鼓。聲聲潭。

濠上旅懷

百泉爭流。逐日新。百草含氣。隨時春。迂儒謀身。絕可怪。不事生業。空憂貧。為客艱辛。今已老。平生事。事傷懷抱。機杼誰知。寒女寒。越羅吳縠。方言好。當年有客。談耕桑。又言農。不如工商。馬耳東風。莫追憶。消憂且復遊。濠梁。起四語讀之令我失笑

二月初九日至岱山鋪作

自注滌鳳交界處

蘭言集

卷五

七

中途今五日。山與故山鄰。峽險雲驚馬。巖高風翼人。薄冰消更結。殘雪淨疑新。淫雨正無已。孤征惜此身。

立春日雪晴

晴暉生積素。水竹色鮮新。風景清無比。其如寒中人。孤烟飛易盡。虛白望無垠。春氣誰先覺。梅花與病身。

歲暮

同雲千里晝陰。歲晏依人思不禁。弟妹音書。孤館淚。江天風雪倚閨心。愁侵遠夢。燈光暗。寒逼虛。

窓。暝。色。深。驛。使。幾。回。問。鄉。信。空。函。一。字。一。沉。吟。

沉着處頗

近社陵

思。寄。朱。立。堂。

輕。薄。文。章。附。六。朝。似。嫌。陶。謝。少。風。標。綠。情。艷。製。推。

騷。雅。率。性。詩。人。久。寂。寥。自。信。梅。花。能。讓。雪。斷。無。修。

竹。肯。彈。蕉。二。分。明。月。吹。簫。處。惡。說。揚。州。廿。四。橋。

此詩當有

所拈余則賞其立論可以維持風雅耳

寄葛菱溪

壯。夫。何。處。是。天。涯。鶴。渚。東。風。帆。影。斜。遙。憶。長。途。倦。

山。水。應。憐。故。國。足。鶯。花。三。春。客。思。燈。前。雨。萬。里。河。

蘭言集

卷五

聲。夢。裏。家。寄。語。歸。鴻。相。問。訊。故。人。旅。館。亦。咨。嗟。

左。衛。別。王。文。周。

馬。首。千。山。鳥。不。飛。離。筵。徹。夜。語。依。依。風。嚴。古。戍。鷄。

吹。角。雲。壓。邊。牆。雪。打。圍。悵。別。我。憐。惟。子。好。貧。交。君。

定。願。余。歸。河。梁。曙。色。寒。攜。手。關。塞。從。茲。信。使。稀。

雜渾中妙

有逸氣

閨情

愁。思。出。深。閨。聞。鶯。思。遠。道。春。風。何。日。來。綠。徧。南。園。

草。

懷人

美人隔千里。春風生暮愁。懸知明月好。不敢上高樓。

二小詩用意深遠

李廣

夜獵何妨止霸亭。數竒語實出明廷。封侯骨相原無據。不願生兒似衛青。

絮被

霜風攪夢授衣天。薄被年多每自憐。洛浦近來消息斷。情人兒女為裝綿。

寄甯榕塢暨令弟芋村芷齋

同心有幾祇離居。竊喜瑤華遠慰余。每苦情深語

蘭言集

卷五

九

言淺經時相念轉無書

真有此情真有此事

老将

據駁強飯費精神。末路英雄惜此身。為告封侯諸

少壯將。余名字語邊人。

意態雄傑

老僕

每因聾聵見天真。趨事尤憎新進人。可笑身因名

利客。也將少壯擲風塵。

入情

俞肇琳字青宇江南涇縣人廩生所著有南坪

草二卷

兄穎存曰南坪命意遣詞不尚異矜奇而情致委婉別饒天趣其妙處正不得以才力爭也

美人水西烟雨亭

暮雨留人宿。忽然山月生。山月如好友。隨我上沐
亭。危欄峙溪側。隔水羅山城。岳竹野而秀。喬松淒
以清。松竹影滿地。碧鷄時一鳴。退循蘿逕下。風泉
響泠泠。前途望山月。先我入禪扃。頗有逸致

掃葉樓

萬木風颺。來登掃葉樓。香臺餘晚照。樹杪湧江
流。搖落三山景。淒涼六代愁。老僧休縛帚。留記古

今秋。

顏存曰借掃葉二字發出幾許感慨

九日卧病王旋吉以菊見惠

伏枕重陽節。交情感獨真。攜將延壽客。來省抱疴
蘭言集

卷五

十

人對影憐同瘦。當盃喜應辰。江南秋又老。勝寄一
枝春。老健

蘭石山拜始祖征西大將軍墓

疊嶂凌霄簇。劔銜孤臣報國此。崇岡雲仍百代依。
邱墓父老千年指。戰場歸鶴已驚遼。海變空山猶
見陣。雲翔松阡遙接桓公嶺。一路啼鶻哭夕陽。

剝蝕殘碑字半存。成仁大節世同尊。通侯爵重前
朝典。修墓金邀聖主恩。原注乾隆十六年勅賜帑金修理墓及神道每過荒

城懷走馬。爭從遺廟薦清樽。三涇保障憑千載。况
是將軍幾葉孫。

飛絮

風狂力軟水雲寬。此去行踪自主難。尚未見開先見謝。似方愁暖。又愁寒。芳魂直作三生夢。老眼真如一。劫看落溷沾泥。同到地。可能箇、化萍團。

起及第六句妙入神矣次聯更入神而妙處只可意會不可言傳不知作者從何處得來

山村雜詠

上已聞蛙上午鳴。山鄉今歲有收成。逢年也要力田早。趕着黃牛和雨耕。

陂田水滿好治麻。村婦挑燈笑語譁。催喚大家勤擘績。木棉早晚又開花。

蘭言集

卷五

十一

戶外秋風送晚涼。連宵織手急縫裳。老姑目力昏花久也。向燈前問短長。

冬前冬後利完婚。招集鄰家傾瓦盆。莫笑山居盤飮陋。芋魁多子芥多孫。

四詩並古質有味

任炎字鴻言號智泉江南舒城人廩生所著有

智泉詩鈔

智泉微詩過涇與家伯叔等遊時余年尚幼有句云倚樓人去月初來智泉遠見之援筆書其上曰小倚樓余過對之廢其稿智泉怒為言於諸伯叔余亦不之謝也今錄其詩即以補一時率易之過

行路難

鬼門為關。峽神女。猿啼鴈唳。似人語。行舟走馬路。兩難。帆不能飛。鞭不舉。遊冶誰家年少郎。雙、綠

髮如垂楊異鄉容易令人老回首西風空斷腸

九日對雨憶徐合浦山居

故人家在水雲鄉曾約登高共促觴不料五風兼

十雨剛從七夕到重陽山頭葉赤楓原好野外花

黃菊最香無那幽尋偏興阻別愁秋思兩茫茫三四自然

出流

春雨東友

聽鷓鴣啼奈若何真行不得也哥一年遊興春

原好二月東風雨最多雲際層樓應睇盼花開小

閣獨婆娑衝泥滑能相過拚與提壺醉碧蘿

蘭言集

卷五

十二

周瑜城懷古

年少才雄莫漫看我來憑弔立河干醇醪薄醉劉

先主烏鵲長飛魏老瞞舊日女牆遺址廢秋風僧

寺暮鐘寒浩歌一曲能無誤欲起周郎再顧難神完氣足

老手
檀場

喜趙則亭見過

兒童競報客來賒蹀躞相迎一笑譁今日故人新

白髮昔年秋菊又黃花風煙已闕中州勝山水還

憐楚地佳吾輩茫茫增百感祇應踪跡徧天涯

東克齋

半載楚天初寄鴈。兼旬吳地獨相羊。大名可久。非朝露。老景纔佳。是夕陽。從此東西南北路。勸公三萬六千觴。同心不悵。頻分手。夢隔關山亦對床。

斗城旅次

斗間歲。寄遊踪。彈指韶光。類轉蓬。百里客。留連。日雨。一城花。送晚春。風良朋。每出名場外。好句難求。試帖中。今夕小樓誰買醉。綠楊深處酒燈紅。

慈湖懷古

戰士蟲沙盡。音勳只等閒。行人莫惆悵。落日下黃

山筆力
陡健

蘭言集

卷五

十三

露筋祠

淼。淮流下濁河。叢祠放棹曉來過。芳魂應不蚊。蟲恨。今古名成利口多。作慰藉語正
自感慨無盡

盛復初字子亨號春谷浙江秀水人庠貢生所著有春谷小草問梅軒詩鈔且種樹齋詩鈔

粵遊草

袁簡齋曰余遊涇上與盛明經復初同至琴溪盛有句云赤鯉去千載青山留一峰果近太白余與春谷交

最久其詩擊鉢而成儼如夙構大約清逸是其所長而余嘗見其所讀詩本則頗謝與杜陵太白昌黎長吉義山飛卿各為一冊而所作殊不類生平足跡半天下半年近八十猶縱酒譚劍意氣慷慨而詩亦不類其為人

擬古

寶劍光耿。乃在豐城獄。世無張茂先。精氣黯然

伏一朝起沉埋。石匣土花綠。淬之飛秋霜。清寒射
人目。隱躍古龍文。摩挲充佩服。緣以五色組。飾以
千金玉。昔日塵土中。于今共駭矚。顯晦各有時。韜
鋒以自勗。

夏日與邱秋堂話月下

月色不受暑。濯流清光庭。宇寂以閒風。來動微
涼。坐覺炎燠淨。漸聞更漏長。彼美素心人。達曙同
徜徉。引我離恨端。眷焉思故鄉。故鄉不可見。渺在
水一方。柳影潭下碧。荷花鏡中香。佳夕誰與期。開
軒酌壺觴。我欲歸去來。惜哉限河梁。千里共明月。
蘭言集

卷五

十四

引領徒相望。

饒有漢
魏遺意

春游詞

草淺春波平。風習蘭舟輕。垂楊覆堤綠。間闕
聞流鶯。啼花落年復年。湖光山色還依然。青絲
變素白駒逝。有酒且醉湖山邊。

春懷詞

春水生。春山遠。夕陽斜。芳洲晚。縱余目。湖中流。桂
棹容與湖上舟。珠簾縹緲湖上樓。舟中吹笛。塞
長樓頭倚欄翠。黛愁翠黛愁。東風起。飄柳綿。逐流
水。懷人日暮淚如洗。春樹濛濛隔千里。

六朝
遺韻

悲落花

悲落花。落花亂如霰。寂寂滿長堤。紛紛積深院。深
院簾垂細雨中。長堤人散煙濛濛。玉簫檀板行樂
地。綠陰成幄飄殘紅。飄殘紅無定處。亂游絲雜輕
絮。昨倚春風開。又逐春風去。滯蝶愁不飛。流鶯悄
無語。此時相對搔春愁。看朱成碧心悠悠。美人香
銷墜金谷。仙妃魂斷歸瓊洲。香銷魂斷杳難覓。清
淚涔涔為花滴。空懷小閣畫聞鈴。苦恨高樓夜吹
笛。笛聲悽以長。花落何飄揚。芬芳能幾時。瞥眼移
春光。春光已遲暮。芳草迷前路。昔昔最紅枝。綵綵
盡悲落花哀。顏翻被花枝笑。婉轉悠揚絕似初唐人吐屬正不必以用意不出前人為嫌

題汪詼斧水部豫章紀遊詩後

輕帆如駛。乘風客滿。眼溪山收不得。有時拾向錦
囊中。只費龍香半螺墨。去年棹發當秋深。江干紅
葉明疎林。迷離烟水富春渚。嚴陵臺下空沉吟。行
來九日停澗水。寂寞臨流憶蘭芷。山城野菊為誰
黃。舊遊太息曾經此。一水沿洄入定陽。荻花兩岸
疑飛霜。攜筇忽復看山去。却到仙源問舟處。玉溪

水接弋溪流。隔烟野鳥調歌喉。龍津無波雷雨至。
木犀不送天香幽。豁然眼界見彭蠡。白浪搖天淼
千里。弔古懷人感慨多。蒼茫自惜無知己。南浦亭
邊一繫船。洪都勝地重流連。高吟獨上滕王閣。閒
雲潭影還如昨。天際猶看孤鷺飛。子安一去成黃
鶴。更尋丹井訪仙蹤。紫宮老松橫虬龍。觀魚偶步
東湖曲。開盡百花秋草綠。詩筒酒琖無時閒。因思
鄉縣扁舟還。歸來好句滿吟卷。緘辭索我賡長篇。
聞君山莊境。清曠迴廊曲。榭依青嶂如此林。泉足
自娛何須浪跡。煙波上寄君詩卷。報君書山中景。
蘭言集

卷五

六

起結處用意
尤為佳妙

太白樓

太白歸何處。樓空閉綠苔。曠然千載後。想見一樽
開。朗月無今古。清風自去來。登高發長嘯。當世孰
憐才。

落筆高妙
意興超然

九日與凌亢宗登黑窯廠

雨霽登高去。秋空放眼清。四山斜日淡。萬樹暮雲
橫。縱酒成狂客。銷愁仗友生。不知故園菊。籬下幾
枝榮。

縱道秋光好。愁眉未得伸。有情知望遠。無定是遊人。花瘦江南夢。風高冀北塵。長吟摩詰句。佳節倍思親。

送鄭玉田還甬東

五年同作客。萬里羨君還。折柳聞羌笛。探梅度庾關。春隨歸路好。雲入故山閒。別後歌江永。相思蘭蕙間。

登北樓口占

太白懷謝公。我復懷太白。不知千載餘。誰是登樓

客。自負語不嫌直率

蘭言集

卷五

十七

黃崇蘭字學存號厚堂江南懷寧人乾隆辛卯舉人累任蒙城涇縣教諭所著有細庭詩鈔

二卷

東汪銳齋

自卧淮南陸。流光惜袞。彈指九星霜。成年不踰閭。無計足銷閒。科名紀近遠。茲事安足論。藉用娛良晚。曩竊謂吾儕。覲顏列藝苑。灑灑洪河流。欲飲腹如甕。又自念人生。一日凡再飯。倘才飽即眠。何異豚依圈。識小道亦存。用勞疾可損。所以數年來。筆墨追繾綣。此邦文獻空。咨訪虛積悃。手鈔致都

門札凡十往返。足下絕不諒。謂與君矛盾。君志在六經。淵泉湖混。僕祇拾唾餘。斷爛輯分刊。頻年吝報書。母乃負懇。自搏九萬鯤。那鑿蛭與蠃。倘再飾。卮言還。余舊鈔本。厚堂所著有前明及國朝貢舉考畧。齊銳齋雅以經學自負不甚留意久之不報故作此詩寄之後厚堂來涇縣復索助於余。雖為之繕閱諸書然亦非意所好又或於前明稍有裨益至於國朝科場舊事實所未諳余族中有名良堅者喜為此事既卒其子祿復繼之但以父子俱不讀書語不能簡每一科出鈔錄主試題目全榜名姓籍貫前後凡入十餘年蠅頭細楷積至尺餘厚堂借得此本而稿遂成書出四方爭買一時為之紙貴焉

緡雲縣

緡雲山四面。列縣舊無城。曉出愁逢虎。春行懶聽

鶯。徑多寄水石。天不辨陰晴。倦極聊思憇。荒亭古

蘭言集

卷五

十八

木橫

蒼京在日

送六弟奉老母南旋

天末涼飈起。高年懷古廬。看人多長大。計歲幾乘除。弟妹睽違久。舒桐道路紓。歸程餘七日。臨發漫躊躇。

我已鬚垂白。親猶髮未皤。自慙生質薄。不及老人多。日落陳橋樹。秋澄下蔡河。途中行勿驟。欲速待如何。三四質朴入情

赴鳳郡

平生夙慕中都勝。此日方為濠上遊。山近夕陽鴉

噪晚村多黃葉客驚秋。仙蹤寂歷遺梁在。王氣銷沈古殿留。我已天涯流滯久。鬢絲風颺不禁愁。

呂祖祠

驢背初停夕照橫。呂翁祠畔愧題名。未能拋却盧生枕。依舊邯鄲道上行。今昔一轍無容自諱耳

張肇煥字景華號愚溪江南無為州人乾隆丙午解元官建平縣教諭

女主昌

官人侍唐業基女主昌唐業危一興一衰當告誰

語簡意長下筆如鑄

蘭言集

卷五

十九

皇嗣寃

南有箕舌下垂母為君子可疑。子心尚可疑。臣心當告誰。朝鼓琴聲悲。暮鼓琴聲哀。仰頭白日無光輝。抽刀刺心血淋漓。君兮母兮當知之。

陋室吟 有序

室廣不數武。逼近市塵且陋甚。不蔽風日。余端居淡泊性。復嗜懶不作未雨之計。時值歲晏嚴霜急。雪灑空積素皓色在庭寒。聲徹座箕股竹床把卷長嘯了無塵世想。乃作陋室吟以見志。

天地本無我。造與萬物際。敞廬何必廣。陋巷亦云
寄。涼風掃積塵。餘雪霽新霽。清靜見道心。寂寞成
韻事。竊意高明家。上逼鬼神忌。朝作居停主。夕暮
成旅次。一身不自知。况得子孫計。所為古君子。淡
泊以明志。見道之言

贈盛春谷

矯。龍門桐。拔地勢孤聳。亭。春谷翁。靜攝制羣
動。捐彼貪。嗔癡。全我清直。勇足跡徧幽遐。到處雞
荒茸。南拔越禽枝。北空代馬鬣。垂老遊郎溪。鎮日
皐比擁。盛時為郎溪山長一心自柴立。諸生皆葉拱。廣羅方

蘭言集

卷五

二十

外人。萬象入牢籠。脫口無陳因。傾耳決昔壅。詩思
疑湧泉。易義了籀桶。臨池海戲鴻。筆落盤走汞。彈
琴天風生。揮劍物彪竦。得酒興益豪。怯戰人為悚。

壺觴任往還。花柳故紛翫。春谷在粵東作蝴蝶小會人各一壺一蝶七會之地凡三曰花南曰
柳南曰竹南於郎溪曾一舉行焉乃者疾。嬰身亦覺帶。移孔雖曰憂。負

薪仍自勵。曲踊本來天宇空。那知雲鬱滃。嗟余性
寡諧。處世歎臃腫。俯仰心搖。顧視髮種。偶爾

未光依。遂掃塵俗冗。大道原醞雞。萬彙真蟻螻。六

鑿內驅除。企君竊從史。硬語盤空乃者四句畫出春谷生平全相

入。聞笛寄懷琴谷潛齋東田諸子

長笛一聲響。霜風吹滿林。高樓正酒醒。獨夜忽愁侵。美人隔江水。明月橫遙琴。阿誰將此意。送入別離心。

寄懷秦曰寧李莘聘

少遊多蘊藉。庶子美風流。策馬來金斗。逢春坐酒樓。孤城三月雨。一別萬家秋。惆悵江南客。相期只石頭。

有懷蜀中諸兄弟

春入園林無賴甚。鳥啼花落自成秋。夢回青草池邊夜。人在黃牛峽盡頭。司馬文章曾喻蜀。仲宣羈蘭言集

卷五

二一

旅暫依劉。幾時得意歸鄉縣。細雨江南醉小樓。三四清遠

胡翔雲字黃海江南婺源人廩貢生歷署涇縣

績溪青陽教諭所著有說餘詩鈔十六卷又

黃山紀遊草一卷

曾賓谷都轉曰黃海自矜性情少所依傍有俯拾即是之妙求之古人最近香山黃海喜交遊重然諾遇不平事無論知與不知出氣力相助性最高傲負氣倔強而詩殊和易中正不類其為人

題董補亭枯坐圖

萬化無停機。枯中有生理。一心具萬化。靜者悟其旨。所以謝紛華。甘此寂寂耳。坐石冷如水。鋪苔薄如紙。心身孰彷彿。木槁灰欲死。含蓄太古春。味道得精髓。慙我樗朽質。終老囂塵裏。少坐為披圖。悠

然見黃綺。

補亭名朝綏婺源人曾以書來索題枯坐圖余未之即應也未幾補亭即世負吾友于九原今見此詩亟登之聊以

塞黃

題何祁山竹泉吟思十三圖

詩境滿太虛。隨處可領畧。思偶與之通天。乃啟其鑰。山水皆性靈。煙霞咨吞嚼。何必定竹泉。結念始有託。何必舍竹泉。寄懷無所著。惟君解此意。取約而愛博。圖外十二圖。圖圖有邱壑。心思一縷微。蟠際極寒廓。吟成千首詩。寫盡林泉樂。新安山水好。置身地綽。示圖雙眼開。投我風塵藥。浩然歸故鄉。竹。踈。泉。未。涸。

蘭言集

卷五

題張蔭堂太守載書圖

作文不讀書。下筆無根柢。作官不讀書。周行蔑視履。公本經濟才。讀書洞微旨。善讀斯善藏。爬羅心獨喜。積之軸若雲。載之車如水。山左十八年。循譽隆隆起。非從書中來。何以能若此。我今客任城。棲枝得所止。手標七萬卷。目炫五都市。屠門快大嚼。與嘗寸鬻美。尚恨相見遲。又愁分別駛。萬里載書行。汗牛足驅使。由博而取約。陳編餉精理。不然富牙籤。多々無益耳。

黃山紀遊

我生本頑皮。出遊慣行役。近從匡廬歸。又著登山屐。黃山最奇勝。神往非朝夕。年老身頗閒。腰脚竭餘力。攜隨一兒子。走到茅蓬側。茅蓬近湯泉。聞是硃砂液。浴罷乃支筇。輕快儼有翼。天門不可限。懸崖自開闢。蠶叢仄徑通。寸級高盈尺。海馬今已亡。緩行屏扶掖。攀躋手代趾。鞠躬願接膝。且前休少却。十步必一息。陟彼老人峰。天都及半壁。蓮蕊接桃花。綽約藐姑射。去去窮幽探。一線天逾碧。出入卧龍洞。文殊臺在即。障空見玉屏。絕頂精藍宅。前海一望收。羣巒立千戟。過此五里餘。蓮花笑迎客。

蘭言集

卷五

二三

凌虛縱遠觀。寰宇無關隔。飛身下雲梯。危乎真莫測。宛轉穿石心。始履鰲魚脊。忽然拓一區。萬頃尚嫌窄。光明藏大開。諸勝不容匿。前面散花隴。烟嵐蒸五色。直到獅子林。青蒼翠欲滴。始信在其東。鋪海遠相值。海門在其西。登高計良得。重陽風雨天。嵐氣溼如墨。曉晴帶霧歸。龍峰棲淨域。從容約月餘。摩崖撫遺蹟。瀑布飛九龍。差與漱玉匹。回視丞相源。一片低雲白。登臨興未闌。艱險盡閱歷。惟險故能奇。靈更奇之極。餐雲煮澗泉。填胸飽松石。排日有詩篇。清辭去雕刻。非敢狀名山。聊以紀遊跡。

逶迤曲折可當卧遊攀躋一聯
情形逼肖非老於遊者不能道

題朱敬亭乘槎圖

黃海當年東海遊。眼光直射蓬山頭。乘風破浪乃
可到。徘徊欲濟無扁舟。君今涉海舍津筏。踞得枯
槎去。飄忽我一披圖拍手笑。胸中海氣生勃。是
槎閱世幾何年。河源高掛牛女邊。浮沉不共蒼烟
沒。風霜屢試青皮堅。乘之瞬息可萬里。人生快意
那如此。袖取支機足自豪。况有靈丹能不死。君兮
歸來槎少停。如此風波不易行。神仙自古貪行樂
不如共跨揚州鶴。游戲調侃
恰好稱題

蘭言集

卷五

二四

夜舟不寐

客思黃昏滿。推蓬試一望。山寒雲不動。江冷月無
光。高詠有袁虎。知音誰謝尚。踟躇眠未穩。流水更
湯湯。

秋笛

秋思晚無賴。笛聲偏暗飛。倚樓初上月。停舫又斜
暉。一鴈孤橫塞。千砧急擣衣。清歌聞最苦。不盡望
依。三四虛
寫有情

舟次寶應湖

澤國規全勢。河湖界一隄。水喧知牖近。日盡覺天

低積葦帆尖沒。排鴉陣脚齊。四圍烟漠漠。指點認東西。

登黃鶴樓

一葉風吹到武昌。山川依舊繆蒼蒼。赤烏遺業空流水。黃鵠高峰倚夕陽。尊酒漫澆芳草綠。仙踪猶剩橘皮香。上頭崔顥詩存否。細剔苔痕認墨光。對仗變化

送姚許漁旋皖

古歷亭邊一笑逢。共銜杯酒對西風。眼飛紫電光如射。頭滿青絲鬢未蓬。半幅蒲帆張海右。幾聲鐵板唱江東。到時紅葉山山錦。題徧新詩在皖公。

蘭言集

卷五

二五

太白樓餞別松樵二弟

登樓容易客心傷。况是秋風送鴈行。耳熱釣鼈懷李白。眼花墜馬笑知章。余時墜馬樓中有知章像隔池露欲凋紅萼。對岸烟多裊夕陽。一覽可窮千里目。直隨流水

到淮陽。起

賦呈王葑町。時小除後兩日

廿四匆々兩日過。馳駒急節奈伊何。功名鷄肋情偏繁。口腹猪肝累已多。却喜尋常無酒債。相依風雅得詩歌。迎年亦有新硯意。劍佩還期手一摩。

讀太白集有感和葑町給諫韻

讀太白集有感和葑町給諫韻

才名老杜共翱翔。遺卷先生萬丈長。修到神仙難免謫。問誰詩酒更能狂。一江明月懸樓影。千古青萍吐劍芒。持比陰鏗非定論。盛唐風本軼齊梁。

雨甚至探春草堂晤菊莊明經卽和其見贈

原韻

二月春光正有餘。桃紅欲綻柳青初。聞風便赴看山約。冒雨還勝閉閣居。滿酌蟻杯香泛泛。乍驚蝶夢醒邊。得觀詩字為開眼。不枉投君一紙書。

三四
寫出

性情如見
其為人

三月三日舟中作

蘭言集

卷五

二六

賦閒一闕未曾終。又束遊裝向粵東。整月客愁烟艇裏。半春花事雨聲中。浪過流水誰修禊。貪看青山莫掩蓬。早被羅浮牽夢去。記將前路問師雄。

將至羊城詩寄伊墨卿太守

解手匆匆。又七年。每披好句輒留連。同人多半如星散。後會愁難共。月圓。昨度梅關逢道子。始知嶺外有坡仙。掛帆火急乘風便。到此投公一刺先。

墨卿招同人遊西湖

杭潁西湖都見過。飄蓬今又到循州。此間亦有東坡蹟。半日當為太守留。雲落層巒雙塔直。風生古

木一隄秋。却嫌腰脚扶筇倦。且假輕舸作卧遊。落筆洒然

題鄭蘭皋柳塘春曉圖二首選一

小桃淺淡帶烟痕。流水飛花別有村。好記武陵人。

住處一枝獨木恰當門。白石人云南劉夢入放著

題水題畫

千章如幄綠初齊。複水重山路易迷。踏向碧雲堆。

裏去歸來須記小橋西。姚姬傳先生曰黃海詩余最愛此二十八字才小者之嗜好如此

一笑鄒若泉作虬髯公圖以贈余戲云貌君俠腸

當寫照可也因題二絕句悲華水賦

劃雪呵冰為寫真。使腸空自託斯人。祇今裘敝金

蘭言集 卷五 二七

都盡愁絕腰間劍不神。

漫々風雪欲何之。彈鋏歸來只自悲。萍水相逢成

一笑眼光若箇似蛾眉。

東去留別朱西浦明府二首選一

兩首新詩抵一觴。客中言別倍神傷。桃潭水與梅

溪水深淺惟君自較量。深情婉語

鄧石如字石如號完白山人江南懷寧人所著

小詩有笈遊詩存山人篆刻善隸書詩其餘事亦頗不俗

壬子上已劉純齋觀察重修禊事於武昌借

木一蜀園味散

木一蜀園味散

我行書一束。江漢作閒遊。落日一杯酒。春風萬古樓。佳辰逢上巳。長揖識荊州。此際蘭亭曲。流觴仍舊不。

懷人

幾時不見鹿皮翁。翹首白雲天自東。記得去秋新月夜。荳花棚下說年豐。質朴處正 自試媚

朱煊字春谷。號省庵。江南涇縣人。乾隆乙卯舉人。今官滁州學正。

約弟文之。并招諸同人。共遊黃山。

久聞黃海絕。凡塵自笑緣慳未了。因此去我修求。蘭言集 卷五 二八

道意。就中君實過來人。原注謂文之招同。一日。三秋侶遍

咏。千巖萬壑。春好似。舊書看不厭。還資導引出清

新。

預把程途細。忝肩輿。只許到茅庵。青鞋布襪。從茲始。翠壁蒼崖。可共探。歷數黃山峰六。時過白露月三。桂。花。莫。惜。經。旬。別。歸。把。遊。踪。樹。下。談。結有意味

宿茅蓬

乾坤清氣一茅蓬。空色空。總是空。到此漸開松。世界幾生修。到石玲瓏。山僧得意談朝貴。逸客孤懷撫古桐。多少遊人鐫姓氏。我思鑿壁當詩筒。三四清新

朱鑽字錫章號養泉江南涇縣人嘉慶甲子副

不禁貢生候選知縣所著有養泉遺詩六卷

養泉詩筆清穩

五古最佳其餘諸體亦皆完美

風吹過大小嶺

大山兼小山前嶺復後嶺雲氣隨飛龍連延若脩

綆扶筇上屢屨跬步不得騁恠禽啼有聲深樹翳

無影灑溪流奔樵歌響遙併暝色催亂峰征夫

抱虛警長空散孤煙下界益清迥不知所歷高但

覺春衫冷

極似章孟

城市清明日遊陶然亭

蘭言集

卷五

二九

城市何必遠山林何必深但少塵埜處即此開胸

襟行鬱邱壑林木瞻蕭森蘆芽綠滿地踏遍荒

岡陰其上聳靈構環址皆寒海禪舍偶一闌俗慮

誰能侵烟霞爽新挹戶外排遙岑瓊樓有佳氣鬱

鬱何嶽峯閭井俯萬家中隔青蒼林曠覽聊自得

高談無古今為憶朱

竹君學士

與王

述奔侍郎

挈伴攜清吟

周廻視亭壁鏡石猶可尋當日盛賓從強半歸銷

沈不知廣陵散誰更彈瑤琴天涯獨延佇愴抱殊

不禁却聽南去鴻遠響雲中音

起處最佳極得遊趣

新嶺

連日山中行。凜若深入井。悠悠浙嶺雲。導我忽新嶺。登頓筋力疲。何時息浮梗。朔風從地起。吹上最高頂。掉頭不敢昂。翻恐天壓頸。山空宿禽稀。葉脫瘦枝挺。樵歌落巖巔。聞聲轉幽靜。中亭偶憇息。斜日澹人影。娑娑樹石間。祇覺散裘冷。一朝出險壚。坦道快馳騁。回首衆峰高。恍然歷仙境。

題郝徠峰司馬秋夜讀書圖

作文不讀書。下筆無根柢。為吏不讀書。周行蔑視履。公本經濟才。悉心窺奧旨。一官萬里遙。聲譽滇

南始。

原注公出收鎮雄州

雨雲倏翻覆。收帆岸初艤。驚濤入宵

蘭言集

卷五

三十

夢感嘆肉生脾。夙抱歲寒心。枯望秋林裏。手披百家言。目眩五都市。願作老蠹蟬。晝日鑽故紙。含飴時融。劍負課孫子。憂道不憂貧。經還緯史。陶情快朋譚。賈勇摩詩壘。遣興偶一編。霞光秀成綺。邇來學閉關。忝透養生理。

原注公養疾數載矣

百城擁南面。緬

懷習鑿齒母云。一半人。全材供驅使。慙我樗櫟質。風塵嘆轉徙。三度燕臺遊。羈棲近仁里。屠門快大

嚼。得嘗寸鬻美。今秋罷鄉書。轉愁分別駛。

原注時家叔靜齋典

試北闈遵例廻避遂將南旋

撫卷心悠然。新涼月如水。

作文為吏皆要讀書最是名言

東昌旅店遇雨

一雨朝連暮。孤燈暗復明。客窓人易合。鄉枕夢難成。世路慙長缺。生涯歎短檠。數聲鷄唱曉。呼僕問

陰晴。

第三語入情

旅店端午坐雨。衣著蒼黃。數里千乘萬隸。前塵三載。天中節。都從客裏過。今朝更悽惻。長路涉風波。酒進菖蒲少。愁將寶劍磨。雨窓懷屈子。千古共

悲歌。

山行

山行踏白雲。雲密山無路。忽聞樵歌聲。來從烏啼處。

蘭言集

卷五

三一

趙楷字笏山。江南上海人。廩貢生。官廣德州訓

導

笏山為損之先生。文孫承其家學而搗。謹殊甚。余再四索之。僅出此二篇。見示乃脩錄之。

七萃軍容

原注恭紀南苑大閱也

文教昌明奮武衛。居安思危不忘備。羽林德化久涵濡。七校六營同日試。薰風初拂乍晴朝。南苑場開地勢遙。陳合風雲千隊整。馬銜金勒五花驕。司馬先期嚴約束。金吾亦著整兜服。千乘萬騎情無聲。禁旅桓、道傍伏。平明闔闔

九重開寶象。徐行

鑾輅來纓韉。名王前導引秋翎。衛士後追陪。比耦

先聞射生手。着地飛騰毬似斗。七札穿楊技更神。
滿月弓開誇左右。官材伎擊各呈能。刀牌矛棒爭
輸贏。雲梯矗起猿猱上。方陣圓陣交縱橫。鼙鼓
罷金聲。作萬帳雲連撐行幕。屹似嚴城卒散屯。前
後騎兵巡繹絡。中央大纛護飲飛。虎臣臺上旗指
揮。刀斗擊停鳴畫角。連環聲發佛郎機。嵩呼

萬歲雷聲聞。

天顏有喜增月俸。如掾大筆授黃黃。宗廟吉
天章。儒臣敬上昇平頌。樂奏雲璈鏡曲和。仗移雉
扇霓旌衆。禮成恩溥

蘭言集

卷五

三二

駕初回。百萬歡呼稽首送。

本朝中外一體通。獻圖納贖萬國同。德威無事談
奇功。虎賁脫劍游辟雍。超唐軼漢黃虞崇。陋彼吉
日賦車攻。萃高有神
頌揚得體

參軍椿

原注戒
女伶也

姑蘇明月廣林花。碧玉嬋娟鬪麗華。雪面參軍嬌
結束。雲鬢子弟奏琵琶。歌聲婉轉韓娥侶。舞態瀏
漓同白紵。主人宴客綺筵開。蘭麝香飄花解語。少
年輕薄快飛觴。燈火湖隄舉棹忙。拇戰射鉤觴政
酷。含嗔帶謔口脂香。代製翠翹金絡索。相思從此

不相忘。歡樂朝。暮。并暮。謝傳東山何足數。官符忽下犯王章。親友交嗤父兄怒。城旦鬼薪詎敢辭。蠅污白壁終身錮。鄧通山倒有誰憐。中流始唱公無渡。君不見街頭有客話酸辛。覓食吹簫遭怒喚。滿頭風雪鷓衣結。曾是當年行樂人。
近日此風不獨姑蘇廣陵年少人皆

當書一通
 於座左右



蘭言集

卷五

三三

不昧忘。樂。障。共。暮。揚。對。東。山。何。足。數。官。符。忽。下。犯。王。章。親。友。交。嗤。父。兄。怒。城。旦。鬼。薪。詎。敢。辭。蠅。污。白。壁。終。身。錮。鄧。通。山。倒。有。誰。憐。中。流。始。唱。公。無。渡。君。不。見。街。頭。有。客。話。酸。辛。覓。食。吹。簫。遭。怒。喚。滿。頭。風。雪。鷓。衣。結。曾。是。當。年。行。樂。人。
近日此風不獨姑蘇廣陵年少人皆

江南涇縣趙紹祖琴士手鈔



呂榮字幼心江南陽湖人乾隆丁酉舉人官桐

城知縣歷署無為州直隸滁州知州事所著

有惺淵詩草八卷

幼心勤於吏治清介自守所至無不受戴公暇出其緒餘賦詩飲酒與同僚酬唱每一篇出雖一字未安必商榷月餘然後定稿故所作不多而皆如美玉精金無瑕可摘

五七古辭理條達如白傅而凝鍊頓挫處直兼少陵之長五七律思沉力厚中饒有流逸之致其高者逼真右丞餘亦不落宋元以後

留別懷遠父老

今之懷遠邑古之塗山國山川鬱靈秀人物挺英

特士風樸而醇民俗剛以直比年狎寬政載路多

荆棘太吏播德威勸善先除慝太守下車初新政

民感暢余適當其時承流此供職懲一冀百警而

不事深刻良民幸安堵莠民知斂跡秋來被偏災

穀少苦貴糴邑中好義人為我籌民食富者無慳

容貧者無饑色以茲一載餘聊塞素餐責自反無

寸功民乃不我戮受代將南行祖餞道絡繹臨歧

盡牽衣涕泣情惻感茲依戀忱嗚咽未忍默我

民聽我言我言出肝膈忍忿母鬪爭鬪爭自貽戚

忍饑母攘竊攘竊終罹辟今汝新父母於我才什

卷六

百。勉。為。向。化。民。庶。幾。安。衽。席。淮。流。入。海。青。江。水。兼
天。碧。我。民。聽。我。言。此。謂。長。相。憶。後半情辭排側古
循吏如是如是

自題柏蔭圖七十五韻

昔我先君子。五十生榮兒。母年四十三。懷抱寶不
貲。少小多劣性。恃愛成嬌癡。閭巷耽嬉遊。晨夕競
棗梨。所欲一未遂。動輒呱呱啼。呵禁不肯止。干怒
屢受笞。父常館於外。言動奉母儀。約束禮必嚴。縱
恣情亦移。九歲從父讀。借寓城之西。兒行入辭。母
母。淚。背。兒。揮。歸。來。母。倚。門。一。見。獲。珍。奇。提。攜。撫。寒
熱。弗。忍。跬。步。離。父。母。嘗。相。謂。筋。力。均。就。衰。但。得。兒

蘭言集

卷六

二

成立。願滿他何希。十一學綴文。十二學賦詩。漸知
自愛惜。破愚見靈機。十九遊邑庠。父母喜可知。四
載領鄉薦。賀者盈庭扉。吾父悄然坐。喟焉發長歎。
望汝守青衿。身為童子師。浸潤經史中。庶幾化偏
畸。甘苦嘗未深。弋獲良非宜。氣矜重尤悔。才多遭
嶮巇。况乃入仕途。動關民瘡痍。所虞壞祖德。違計
光門楣。慈母聞父言。相對同悽。計偕上公車。屢
試被放歸。父兮意廓如。母也半喜悲。既壯痛父背。
母子煢相依。家貧無以養。舌耕旋遠馳。東踰泰岱
巔。西上匡廬崖。南觀浙江潮。北讀韓陵碑。室中無

丁男門戶賴母支。一歲一歸省。衣履親補治。奄忽
又十載。奉檄皖江湄。幸邀升斗祿。藉營反哺私。吾
母性仁恕。戒兒毋恣睢。寬廉貧自甘。貪酷富亦危。
爾父昔憂歎。所慮固在茲。每兒公退時。必問何所
為。平反為霽顏。決罰為顰眉。年來櫻目疾。寐靜生
憂疑。少長俱在念。環立心則夷。兒入侍。晨昏撫摩
若嬰孩。久輒麾使去。樂與諸孫嬉。婦亦為姑。璋接
膝兩婦隨。各抱子若女。扶牀牽綵衣。吾上有六姊。
兩姊先露晞。四姊皆孝謹。別久縈慈懷。一姊羈家
事。跋涉三姊來。女孫亦隨至。相率勤調維。次第伴

蘭言集

卷六

三

母眠寤寐伺忽微。所苦弗使聞。所樂常與提。母心
藉以慰。時、笑顏開。今母年九十。肌膚潤若脂。飲
食無他嗜。日進酪與飴。牀頭蓄瓜果。分賜罔有遺。
歷叙一生事。追述先人辭。纖悉竟源委。歲月日無
差。兒榮材駑下。立身半塵埃。顯揚亦何有。定省猶
多違。仰承裏鮓心。兢業無敢欺。所至播謳誦。僉曰
庭訓慈。近復遭顛蹶。幾、墜深豁。憐我有老親。天
人交護持。壬戌秋署桐城任內疎失餉餉被劾桐
民為余偵緝甚力旋因人誑並獲開復報德未毫末。
受庇寧有涯。譬如千仞柯。上與雲霞齊。譬如恒春
樹。下有鸞鶴棲。雨露澤汪濊。岡陵蔭紛披。作圖寫

柏蔭鬱々蟠虬枝。坐我綠陰中。清風來四時。靈椿已長謝。飲恨何窮期。仰此凌霜姿。悠々我所思。不問彭澤菊。安知謝庭芝。惟願柏常茂。蒼然亘瑤池。

委曲詳悉中至性流露整襟一讀使人孝弟之心油然而生

陶桓公祠

陶公古純臣。勲名照天壤。初年令樅陽。遺澤到今仰。樅陽濱大江。衝要自疇曩。况當西晉季。兵戈正擾攘。不有神明宰。保障誰憑仗。政績史未詳。建樹事可想。公才故卓絕。經濟有學養。分陰志不二。實用理無兩。百里未為隘。八州亦非廣。當其督諸軍。

蘭言集

卷六

四

萬姓闢疴癢。閭閻重農作。道路絕欺罔。持此化一邑。豈不示諸掌。定知蓋世功。風聲從此昉。江雲護祠樹。山月照楹幌。鳴禽懷好音。流泉發幽響。我來肅瞻拜。內愧滋嚮往。宰此踰一年。事蹟半塵坱。雖或被謳思。常恐涉標榜。半生已蹉跎。前路復惆恍。丈夫貴自立。微公我安放。

以實課虛議論不泛

門人洪錫豫觀察廣西賦此贈之

冰霜肅草木。蘊釀何深沉。惠風一披拂。遍地成芳陰。萬物各有欲。陽春豈無心。感此悟生理。相養以悃忱。

麒麟不妄履。不聞良其趾。鳳鳥不妄棲。倦飛亦安止。妙合本自然。大化有常理。所以古達人。信天先信已。

鏡能照萬物。自照渾無跡。目能視千里。不能顧脅脊。外明內常暗。遠到近反隔。煌煌蓋世勳。得力在几席。萬古一輪月。揚光照乾坤。隱見有晝夜。運行無朝昏。明以晦為用。虧即盈之根。朽然懸外觀。誰與辨所存。

燒物薪先燼。斫石劍已缺。殘刻將安施。祇足自摧蘭言集

卷六

五

折上相相人心。驗不爽毫髮。佛門說因果。此理尚

恍惚

各言絡繹不
愧贈人以言

贈史魯齋

我長姊歸君。君妹歸於我。湖山結遙念。歲月理輕舸。年來常聚首。白髮慰坎坷。身外無衣囊。肘後有藥裹。遣愁晝酣睡。却病夜趺坐。草書宗張王。餘子少許可。尚懷入世憂。未覺謀生左。憐我食指繁。關意備碎瑣。緬思耆舊行。奄忽半蓬顆。冰雪滿空山。蒼松獨磊砢。珍重勉加餐。且貴身安妥。

魯齋名振鐸與
余交求其詩不

得見此作亟登
之聊以塞責

不問身其故。鳳鳥不妄棲。倦飛亦安止。

貞婦歌為左仲甫媳白氏賦

晉陵有貞婦。志潔性冲粹。大田白宰女。明經傳與
妹。幼字左上舍。大令輔之嗣。大令任合肥。上舍亦
隨侍。合蚤行有期。阿兄送女至。艤舟淝河濱。壻病
溘然逝。秘未令女聞。女竊窺有異。詰媪以告。頽
然脫簪珥。阿兄自外来。相對各垂淚。宛轉前致辭。
變故有不意。事繫妹終身。惟妹自籌計。女乃大號
痛道。一豈有二兄。胡苦遲回。淝水明我志。入門拜
翁姑。匆遽禮儀備。哀經臨壻棺。昏絕日數四。翁姑
謂新婦。見汝心大慰。庭前植松柏。蒼鬱勝蘭桂。望
汝為其難。俯仰惟汝賴。慎勿自殘毀。而重我悲悽。
婦始匍匐起。慈命當謹誌。從茲勤婦職。上堂不敢
涕。上舍故有姬。生女甫期歲。撫之如已出。速下慈
且惠。近因扶觀歸。過我旅館外。婦之同母姊。為我
次子配。迎姊話舟次。嗚咽無少懟。此心如槁木。願
姊勿懸記。昨與大令談。及此淚盈袂。勸君毋苦哀。
令子亦長在。自古皆有死。綱常千載事。

春雪行

城頭樓烏糧斷絕。城外麥苗凍欲折。朱門伐鼓聲
如雷。公子開宴慶春雪。圍爐綺障來何遲。擲杯大

呼拘役廨。五人受鞭三見血。當階長跪雪泱肌。堂前高。歌堂下。啼堂上。主人醉如泥。

池陽歌簡周大令光隣

湖烟擁山。山靄香。江天靈。春晝長。高田秀麥低。浸秧。農夫荷鋤女提筐。入林樵叟意淳古。與語嘖嘖。周侯良。蒲鞭懸風豺虎避。冰壺照日蛟螭藏。我常懷此心皇。君才卓越安可量。男兒出身任司牧。便以蒼赤為肺腸。盎然一氣共噓吸。彼疴我疴瘡我瘡。近今經費動支絀。釜魚甌塵成故常。清貧未足謝天下。廣漠孰與生春陽。民肥方許我獨瘡。

蘭言集

卷六

七

俗否。豈信官能減。茲言告人人。笑狂非斯人。前不敢揚。努力皓首。母相忘。揚善而申誠之官。歲友誼於斯交盡。

種麥行

渭州城東廣阡陌。二月耕田種新麥。一牛負犁一人策。犁頭木斗長徑尺。前蹲兩足通地脉。麥種下注如漏滴。借問播種何遲。云是郊原第一畦。君不見杏花無枝柳蕭瑟。西山凍雪懸崖裂。能狀難顯情形

歐陽文忠公遺像歌

古來通儒哲相兼。著惟歐陽。文章理學政事風節。俱擅場。經綸伯仲韓范富。著述弁冕蘇曾王。昌黎

復生異學黜。宣公再起嘉謨彰。治宗簡易事不廢。
一洗刻覈歸慈祥。滁陽當日蒞軒駕。地僻人和日
多暇。俯仰乾坤一醉翁。流連山水三亭榭。是時公
年未四十。白髮蒼顏非假借。可知與民同樂亦同
憂。忍但安閒娛早夜。遺像一幅琅邪東。耳高額瀾
雙頤豐。晴眸炯炯照秋水。鬚髯拂拂來春風。側身
拱立若有注。懷抱隱見丹青中。真精蘊結久不壞。
傳之七百餘載神光融。世間奇遇那有此。隔代
君臣歌喜起。經臨使節公蓋心。薦古名賢覲
天子。先帝披圖為改容。題詩儼降褒勳旨。

蘭言集

卷六

詔還故處戒勿褻宛似畫錦歸鄉里。公生北宋全
盛時。得君曾邀特達知。幾回放逐臨機穽。黨禍未
已汙名隨。何期遭際聖明世。忽與師師濟濟同
委蛇。煌煌綸綍炳萬古。靈爽永此相維持。生平
執鞭有餘慕。到此低徊見丰度。梅花開落廣庭閒。
猶是當年宴遊處。魍魎却走蛟鼉藏。星辰下視風
雲護。君不見六一泉邊萬木青。青入晴空掃烟霧。

滁州庫有歐陽文忠公畫像。宋畫絹本。上有李端叔晁說之二跋。乾隆
壬申。裴公曰脩典試江南道。過滁。攜入京師。恭呈御覽。先帝親題
七言四韻於上。詔還滁州。
滁人榮焉。今刻石醉翁亭側。

太白樓懷古

大雅久不作。惟公肩獨任。浮雲千古恨。明月一生心。直向醉中覺。轉於狂處深。至今牛渚夜。猶有白龍吟。四十字括盡太白一生是題絕唱

自浮山回城西途中作

不盡湖山興。歸途思窈然。林陰團暮靄。花氣撲晴烟。月出斜陽外。人行棲鳥邊。迴看遊歷處。空翠遠浮天。

寄管平山

江天三日雨。秋色接新晴。以我懷人意。知君別後情。索居拌落拓。旅館孰逢迎。同是離憂者。緘書涕淚傾。落筆洒然

卷六

九

三岔雜吟

原注奉委查辦要案并代理三岔州判事

奉檄秦州路。居然半刺尊。扶人過仄嶺。驅馬息孤村。行旅逢官拜。棲禽見燭喧。此間多薏苡。欲洗伏波冤。

一榻翠微裏。曠然無垢氛。庭橫秦嶺月。窓納渭川雲。竹柏森蘿徑。牛羊入雁羣。案頭殊瑣屑。猶得習勞筋。

重嵐杳無際。合沓障晴空。鳥道飛雲外。烟積雪中。千錢經歲訟。石粟一家豐。僻陋知非病。相期見

古風

古塞連今塞。新氓雜舊氓。一城三戍卒。百里兩經

生。戈戟音來慣。田廬委去輕。何當化僂悍。比戶決

和平。

盡日依山水。相看逼歲終。渠冰浮岸白。林燒閃天

紅。村酒賒來薄。囊衣典後空。及瓜期已近。引領望

飛蓬。

代至渾無事。新年好暢遊。公堂喧萬福。元旦羣兒集公堂喧呼作女子

拜深院起千秋。日麗迎春樹。新春各植松一株於庭懸燈以迎神風生度

曲樓。客心同此樂。聊與共夷猶。

蘭言集

卷六

冬至日途中口號。原注時余以署固原任報災被劾

司牧才何有。求芻志未明。徒令一官去。無補萬民

生。漠漠雲烟色。茫茫天地情。哀愁猶在耳。振策且

孤征。

秋日郊行口占。與客遊空入。眼已收。野

客路原宜霽。農家正苦晴。野塘秋見底。落木夜聞

聲。露冷有霜意。雲濃無雨情。可憐村舍老。植杖佇

秋成。道健精警

夜過清流關示諸父老。三

驛路春晴好。單車夜往還。風聲千種樹。月色萬重

山宿鳥驚宵。杳飛花度曉關。承平古莫比。勿但習安閒。

過張氏山莊

春郊即事幾徘徊。歷盡山隈過水隈。極浦潮聲蕪日落。荒村雨色逐人來。門前立馬花千樹。籬外延賓茗一杯。領取田家好風景。與君隨意坐莓苔。

鼇魚坡

澹烟濃樹拂雲根。郭外青山山外村。小院落花來語燕。隔江過雨聽啼猿。有孫能讀知身老。與姊相依當母存。回首前遊腸欲斷。此間三載侍晨昏。

蘭言集

卷六

長城春望

孤城寥廓自年年。中外今看阡陌連。日射林阿融古雪。風吹沙漠起人烟。牛羊影裏千山靜。鴻鴈聲邊一水懸。四遠春光知已遍。好從雲下穩耕天。

有耕天村田之美者曰雲下田

六盤山即事

南極當頭北斗斜。六盤山勢接天涯。節過浴佛猶

飛雪。路近平涼始見花。潦水入村成寶藏。

地無水蓄潦為藏不

敢輕用也。土坡開徑有人家。臨衢不少高華象。鎮日風

雲擁使車。

三四精警

謁米公祠

襄陽品望儘超然。別有風流見性天。百感好隨蛙
共息。一心應與石同堅。雲山自護冠裳像。烟雨如
籠書畫船。借問塵途宦遊客。更何人得似公顛。
猶依官廨駐靈神。瞻拜如聞笑語新。庭樹朗懸今
古月。池流清闕去來人。低徊往緒空殘碣。歷落浮
名笑此身。自分追趨無一得。當窻羞對石磷磷。

春日偶成

艷陽天氣雨晴時。不盡風光草木知。示我發生看
竹筍。禁人攀折數花枝。公餘消夜書三卷。老去娛
蘭言集

卷六

十二

春酒一卮。撫字無功空自苦。吏民爭說長官癡。三四
名言

可喜仕宦者
皆當存此心

示兒輩

浪得浮名真醜顏。置身多半不材間。直應閉閣常
思過。敢學垂簾祇自閒。萬里風塵催白髮。一生懷
抱矢青山。當官豈為兒孫計。最好承家是克艱。

為唐竹虛題征緬從軍圖

耆年矍鑠快含飴。忽憶從軍倥偬時。萬里長風留
氣象。一庭皎月照鬚眉。寰區無復烽烟警。絕塞猶
應草木知。繪取壯遊娛晚境。箇中甘苦令人思。五六
雄壯

滁州山村

一縷林烟一草庵。人家終日對青嵐。泉聲高湧晴霞落。花氣濃添宿雨酣。課歲耆民通甲子。力田健婦勝丁男。平生雅慕廬陵記。閱徧環山祇自慙。

野渡庵

澗已成梁久。庵猶以渡名。韋公題處草爭向。渡頭生。新安道中

新安道中

青山層疊路縈紆。到處風煙入畫圖。絕壁千尋無尺徑。人從石隙種芭蘆。風景如繪是為寫生妙筆

蘭言集

卷六

十三

潼關

地接黃河向北迴。春隨紫氣自東來。城頭一帶青山色。都逐潼關曉日開。

周之冕字麗文號鴻軒江南荆溪人乾隆己酉

拔貢生官太平知縣所著有鴻軒詩鈔鴻軒小楷學文

待詔非獨形似詩亦俊逸不羣初任池州府學訓導今集中所選皆是其時詩也

秋意

鴻鴈颯初至。危坐披詩書。言簡意不盡。會心自有餘。高梧掛涼月。清風時與俱。凝睇亦以久。徐步下庭除。琴聲從何來。幽賞良足娛。清遠如韋柳

除夕

莫患去日多日多為吾有莫患來日少日來知佳
否當前亦姑樂且勿念前後歲月縱云速吾樂即
無負室幸有餘糧樽喜不空酒但得同此日彼蒼
待吾厚

安心見
道之言

喜晤葉汾浦同年見示燕遊吟卷

稜々老梅樹鬱々青松枝質管竹萬箇嫵媚致亦
奇豈必地相近所幸生同時形質雖各異所喜節
不虧萬物聚以類臭味無差池奈何我與君各在
天一涯相逢不相識一見如故知示我燕遊吟清

蘭言集

卷六

十四

若冰雪姿展卷恐易盡披讀故遲々古懷出新意
耐人十日思胡不貢廟堂上婉雅頌辭君言詩窮
人未工已若斯安命樂觴咏其樂孰過之我聞君
之言欣然愜我私愛君知君好不能贈一詞徒抱
區々意繼繼夫何為

題朱別駕柘浦秋夜讀書圖

石渠蘭臺胸中鑄此事不廢常奉々知君讀書素
成癖政餘猶自窮鑽研西風捲地秋滿耳一燈人
在葉聲裏雙眸炯々若有神思得誤書心獨喜憶
昔甲寅乙卯間詩筒相續去復還冰雪一卷詞清

艷珠璣四映光。斑斕數年遠。別潁水去。親民仙吏
風流著。錦囊貯詩誇。宦富忽憶齊山來。舊署我欲
親攜問字醅。從君直上讀書臺。踈烟淡靄迷三徑。
靜竚桐間明月來。

送崔哀菀赴皖

無計留春住。君行况復同。深情雲影外。別意雨聲
中。細草搖津綠。繁花夾道紅。莫言消息斷。來往有
征鴻。

齊山

天邊孤鷺共霞飛。十里溪聲聽轉微。寺為客來僧

蘭言集

卷六

十五

早起山因人在鳥。遲歸悲秋望遠憑。高閣覓句停
杯對落暉。回首忽驚苔磴滑。亂峰寒翠襲征衣。三四秀倩

上元前夕朱別駕自蜀回池見贈奉酬

久別忽隨新歲至。相逢無改昔時顏。各詢詩句何
年最。細說崎嶇萬里間。且共良宵好燈月。重看秋
浦舊雲山。賢勞莫歎官偏冷。鷗鷺春江恐未閒。轉折有神

七夕阻風江濱

黑雲堆裏楚山浮。天遣狂風撼客舟。帆影半江人
語亂。柁樓終夜水聲愁。蕭條墟落知何地。慘澹時
光漸入秋。不怕銀河波浪濶。鵲橋安穩羨牽牛。清蘭如白

語清意遠
風味極佳

崔繡字繡宸號雪堂江南太平人乾隆己酉拔

貢生官河南蘭陽縣丞所著有壯遊草雪堂幼與余交

抵掌談詩余每不許嘉慶戊辰丁母艱自河南歸以壯遊草見示盡棄其少作蓋造詣進而益上惜未幾遂卒而所作不多也

讀濟源縣志列女傳二首

寨破時賊甚饑驅眾婦為作炊吳氏劉沈妻厲聲

前致詞逆賊死將至良民安可欺頭速斷炊不為

我肉作糜甘如飴爾有利刀我試之罵聲不斷血

濺手賊人喪膽忍饑走眾婦不辱乾淨土吳氏軹

里人聶政姊同岫嶙劉沈妻吳氏

蘭言集

卷六

十六

同姓為婚姻惜哉李李氏芝草本無根醴泉清見

底不勸守貞促使嫁母姑皆利吾身耳吾身白壁

還蒼天不願人見受人憐衣裳縫固蓬窻前抱石

井底甘長眠波瀾不起吾終焉李廷魁妻李氏饒有古樂府遺意

夏烈女

太湖之水潔且清湖濱夏女性最貞天風一夕折

松柏女蘿委地愁無聲平生未識王郎面非為恩

情生眷戀纖軀似劍許徐君羞因生死心腸變深

閨夜靜燈無光從容就義先思量藐姑冰雪恐人

見素絲密縫衣裳母未終年兒敢死寒帷凝睇

今生已一語千秋腸斷聲兒欲一看吾母耳梁如
墓樹身如劍掛來了却平生願聘書一紙置懷中
屍還陰氏心堪驗烏龍山色碧雲高墓上鴛鴦錦
翼凋千古治遊兒女過谿風颯々欲吹毛

此種詩關世道人心

非同苟作

鞏縣謁杜工部祠

亂賊干戈裏天孤稷契身飄零辭骨肉血淚灑君
臣間氣歸河洛原注公生平皆在鞏遺編泣鬼神尋常論風雅
猶是路旁人咏杜能言其大詩亦頗有杜意

林曉岑明府擊賊於盧氏詩以寄之

蘭言集

卷六

十七

楚北妖氛起梁園燕語時人誰瀝肝膽君義動鬚
眉因結無言契旋通莫逆辭私評天下士林大是
男兒

至寶光難掩賢豪世自知垂青蒙節府投筆練雄
師陣法窮魚鳥軍威壯虎貔西郊看祭纛把盞餞
臨岐

原注嘉慶三年冬曉岑領鄉勇八百防守豫西方伯平湖吳公酌酒嘉勞知其必能辦賊

倉卒捷紅澗功歸步伐明連環施火器大礮走雷

聲賊已窮三北兵寧折一名旋師民道拜西鄙見

長城

原注三年十二月初二日賊猝至盧氏縣之紅澗口曉岑以烏鎗連撲中堅賊岑麾烏鎗手布圓陣擊其兩翼中權轟以大礮賊馬步俱傷仍驅步抵死直入中央礮再發賊始抱頭鼠竄追剿十餘里是役也以

八百人破賊三千生獲近三百人義勇受傷者五人
皆得平復余聞之莫廣文云廣文名騰雲盧氏人

官坡今再捷士氣更桓桓得暇多擒虎無烽尚據
鞍三年腔血熱六月枕戈寒樹立君如此臨風我
浩歎

方式亭同年自都門旋里道出汴中

一。別。十。年。久。人。生。幾。別。離。相。逢。皆。老。大。欸。語。襟。歡。

悲。君。騁。金。臺。足。余。拈。雪。苑。髭。見。聞。關。國。史。畫。譜。

入風詩。起

伏。莽。秦。川。盜。勞。師。自。歲。年。轉。輸。糧。百。萬。原注丁巳秋余護弟一起軍餉

前赴西安往。復。路。三。千。衣。濕。崎。陵。雨。鷄。鳴。灞。水。烟。鼓。鞞。聲。

蘭言集

卷六

十八

正。急。悲。憤。入。吟。箋。激昂悲壯具體少陵

燈。火。樊。樓。寂。夷。門。夜。柝。遲。互。將。詩。數。卷。商。到。月。斜。

時。容。夢。黃。山。麓。鄉。心。宛。水。湄。高。堂。俱。白。髮。羨。爾。得。

歸期。

北固山

北。固。雄。京。口。蕭。郎。北。顧。殷。高。樓。如。昔。日。水。國。易。斜。

曛。地。險。通。吳。會。帆。多。指。楚。雲。曲。阿。名。酒。在。一。醉。百。

憂分。

吳竹橋太史有蒼茫何處是中州梁苑繁臺

想勝遊之句徐鈍庵繪圖黃心庵賦詩余

屬和馬

海上詩人望大梁。遊梁人與說蒼茫。太行北走連雲紫。九曲東流匝地黃。雪滿鄉枝仍授簡。春深花石久無綱。繁華洗盡山河壯。杖履來時草亦香。三四雄壯

大梁送別丁晞嶠

花事闌珊雨乍晴。客中送客近清明。鄉心已分難為別。宦海何時得再并。豈有康莊終窘步。斷無舟楫久淹程。壯懷猶在揮鞭去。百尺繁臺久重傾。先生昔日甲親掇。夜聽黃牛峽水潺。團練操勞夔子國。苞桑鞏固楚臺山。吏因強項功難白。官罷空蘭言集。卷六 十九

囊鬢已斑。今為閒雲。商出處何妨。作雨更飛還。丁晞嶠曰

余團練神歸鄉勇辦理召堡糧站前後五載雪堂每為余感慨係之

陳其松號秋麓。江西鄱陽人。乾隆己酉副貢生。

官安慶府江防同知。所著有秋麓詩抄。先生詩蘊藉風

流具才人之韻致。惜未得其全。稿僅就所見錄之以存其概。

寄劉十八仍素

衆螳競慕肉。飢蟬甘咽風。清濁雖殊致。嗜好兩不公。吾子近篤學。涉筆輕雕蟲。顧盼已絕影。効步將無從。少年有本色。不借麒麟紅。顛悴亦何為。乃作飛蓬容。雖云去雕飾。未是真芙蓉。為文宜師古。此

語貴善通。附理或為奸。受毒良難攻。在昔畧文辭。
詩書樸以忠。自從班馬降。雜然陳竒濃。時代遞相
壓。風會分污隆。靈府嗟日闕。含咀無遺功。古人生
於今。華實母乃同。千谿共一水。溯流源自逢。竊據
崑崙巔。馬知河之雄。高深誇進道。進道寓於庸。古
人勝人處。畢竟尋常中。道子善畫鬼。葉公稱好龍。
耳目所未經。真偽誰詰窮。君家富儒術。養羽今易
豐。賢兄尊前路。努力追其蹤。居心莫鹵莽。凡事思
初終。讀書薄顯揚。子職殊未供。知與經師處。豁若
泉發蒙。畧效箴規語。諒我平生衷。

為學之道待友
之誠於此盡盡

蘭言集

卷六

蒙城道中紀所見

民饑穀轉賤。趁亥市不囂。連村走何地。土竈烟火
銷。一車容一家。薄暮風蕭蕭。十輛五輛繼。親知慘
呼邀。車上何所有。童嬰鷄狗猫。釜竈雜蒲薦。敗絮
高漂搖。餽勉各牽挽。未辭腹既枵。鶉衣不蔽體。背
煖寒在腰。湯湯古渦水。去去欣未遙。饑腸與鳴鼓。
響過長板橋。過橋逢來者。坐語涕淚飄。道禁流民
入河南。新告條。

感逝篇

天仙遨。湏彌泰。華培塿。爾彼蒼視。下民不啻人視。

螳螳訝江河流。乃是坳堂水。逞智爭綢繆。未雨日
三徙。羊羶墮地餘。一顧若有喜。奔穴報其魁。全軍
戒行李。忽焉迷不得。報者齧以死。想當昇肉歸。策
勳良有以。斯物誠足豪。恩威肅網紀。那知剎那間。
莫教一舉趾。彼人了不覺。魁已喪於履。人蟻兩茫
然。豈有數可委。因悟諸權要。一朝棄金紫。銘旌轟
青霄。塚與祈連比。毒深惠亦廣。歌哭彌千里。動云
關造化其實偶。如此苑枯任所適。義娥不停軌。平
生得失故與蟻。將無似謂為天所為。天當啞然矣。

三問昔問之無乃昧茲理

設想奇落筆幻然至
奇至幻中實有至理

蘭言集

卷六

二一

三問錢唐曲

車歷碌牛蒼黃。橫江淼一帆高張。十年作客九錢
唐。夢逐波飄去無跡。眼中幾見濤頭狂。伍員廟在
何許。江山船載越女。船頭日日取酒祭水神。不知
為英雄。兮為美人。白浪如山那可樂。行人未解風
波惡。為誰臨水弄絃索。纔見潮來又潮落。跌宕風流
箴規之意

自在
言外

三對羊馬四少雲于署之西編創竹屋如船意致清

三對羊馬四少雲于署之西編創竹屋如船意致清

世間何物堪醫俗。競言不可居無竹。馬君嗜好與

俗殊縛茅乃以竹為居。初涉芳林發幽思。為喚園
丁聊授意。闢來一畝。二畝。陰翦取千竿。萬竿。翠絲
雲片。散晴天。堅者作棟。修者椽。軒檻玲瓏。殿八
面。令我却意東吳船。牽舟作屋亦何有。馬君落落
蒼葭友。十載篙師苦喚風。一官錦水閒沽酒。嗟我
同為藏壑身。浮家四海若為鄰。定須日來作水觀。
乞將寶筏方迷津。流連竟日無以報。龍公不語江
娥笑。請君鼓柁為君歌。長好明月無風波。

贈王驪泉

楊柳不堪折。芙蓉猶弄妍。西風一萬里。送客上吳

蘭言集

卷六

二二

船愁動白雲外。詩題黃鶴前。到家裁錦字。莫忘寄
遙天。

新居即事柬友人

有客移家向水湄。心閒始覺百相宜。新晴放鑰洗
花早。小病挑燈檢藥遲。罷讀離騷綠。斷酒難除綺
語偶。填詞春寒幾日無人過。冷落西堂一局棋。

絕似
放翁

秋日遊鄭介夫一拂祠

兩山凹處見祠堂。喬木紛紛滿夕陽。繞徑薜蘿吟
絡緯。到門風雨起篔簹。神巫窈渺蕭聲歇。老圃青
黃菜把香。為向金陵留一拂。已無餘地立舒王。

一結
有力

來帶題鍾鄰浦司馬小照即以贈行

謾云松聲息世機。鬚眉清映白雲飛。十年戎馬王

尊健。萬里蓴鱸張翰歸。鶴外早知無長物。湖邊何

處著雙扉。即看春暖吳船動。衣錦峯前盼錦衣。高亮

歲暮舟泊潯陽江感賦

五年鴻爪落天涯。遙面匡廬似到家。渾有青衫眠

舴艋。欲呼白傅問琵琶。荒雞羸馬都成夢。微雪疎

燈各作花。看取麗公兒女在。團樂猶是好年華。起筆入情

羅逸仙且追悼疏香樓之變化也

蘭言集 卷六 二一

聞說先生氣尚豪。五更猶起讀離騷。開械如聽廣

陵散。落筆能為金錯刀。阿閣當年留翡翠。麗官看

我換葡萄。茫茫都極山河感。不獨懷人首重搔。

五年不見大江橫。夢逐烏衣巷裏行。兩世門楣君

老去。一家親海淚同傾。石頭舊雨盈離緒。皖口春

風駐遠程。半為羊曇聽不得。西州門外馬嘶聲。一結凄然

過清涼別院贈展西長老

一林花竹淨娟娟。曾乞蒲團伴老禪。畢竟安心無

別法。猶能愛客似當年。野蔬嘗罷饒芳意。山果分

來帶晚烟。可念塵中雙鬢改。難尋香火證前緣。

登黃鶴樓

自趁斜陽到上頭。題詩人已去千秋。半江雲影看
騎鶴。一笛梅花各倚樓。老子牀高容小坐。郎官酒
在乞分酬。無端又動江州興。風雪飄蕭送客舟。
贈王大蓮峰解組歸里

曾聽茗溪父老歌。聲名今徧蔣山阿。高懷滄海收
帆早。往事浮雲過眼多。鶴在定知隨馬去。鴻飛那
復受人羅。王陽畢竟能為子。好着春風綵服過。

王蔚宗字山春號春墅江南華亭人嘉慶戊午

優貢生官宣城主簿所著有端居室詩集十

蘭言集

卷六

二四

二卷

山春長於古體五言硬語相銜勁氣直達中有曲折縈紆
之致其源本自韓來七言沈鬱頓挫具體少陵而一種流
逸豪宕之氣則又得之
太白洵為豪傑之士

燕湖金山

路入古鳩茲。金山鬱糾繆。林深無臺榭。寂寞巖壑
瘦。我思大江中。丹碧煥重繡。如何此孱顏。長卧忘
僻陋。造化剖鴻蒙。位置隨所遭。顯晦紛不齊。斯理
實難究。拍手叫巨靈。為我移屋右。剔蘚出奇峯。栽
花傍雲竇。淋漓大手筆。詰朝露蒼秀。柳州鉅鑿遊
蘇子。滄浪構自非。爾雅逢消歇。幾嵐岫。懷奇不過何止
一山借題發出

慨感

遊醉白池

粵昔虎頭齋。胸中富邱壑。畫圖極天巧。卜築城西郭。我於廿年前。曾此飛鑿落。同遊皆去世。朋交歎蕭索。爾來重拄杖。臺館記約畧。譬如溫舊書。別久耐咀嚼。高亭面清沼。魴鯉時泳躍。老桂十二株。扶疏出叢薄。翠竹交枳籬。峯巒各秀削。時維三月杪。池面荷錢錯。波光動畫梁。好鳥唳水閣。修廊延迤邐。密葉自成羃。規方僅數畝。形勝各籠絡。可以當蘭亭。襖飲列杯杓。可以當墨池。洗硯供揮霍。聞欲售萬錢。意恐他人攫。安得天雨金。滿我一布索。稍蘭言集

卷六

二五

學柳。州買邱恣行樂。園外多隙地。伐去亂蓬藿。更添桃杏梅。妻孥共種作。其花悅春眸。其實抵秋穫。與世長無求。閒心逐猿鶴。一笑踏破甕。回頭怨雙脚。

藝鞠數十株九月齊作花喜賦

用力不見答。定非造物意。我以花為農。惜祇限尺地。人云菊難種。我種亦頗易。乞秧不求細。生機任自遂。惟守抱甕勤。更懲滋蔓萎。秋來蕾蓓發。傍葉紛纍纍。巖然呼妻孥。繞看日數次。忽訝數花拆。盡與黃裳比。此色本至正。古人絕珍異。我性習蕭散。

久為俗所詈。即此見天心。玉我不肯棄。區仲蔚園澹。柴桑致一笑。羲皇前。孤懷永高寄。起意超絕小中見大

題蔣氏宗祠義塾

化起從本原。黨庠首家塾。教始重彝倫。敬宗故收族。晚近此義昧。子衿刺翬俗。樂安敦古道。衣冠代相續。鄉賢馨俎豆。宗祠煥楹楠。置田供明禋。勒石戒侵剝。數世殫苦心。深謀志詒穀。森莫堂高東。西夾嚴屋。架揀富牙籤。堆床燦瑤軸。井竈既云脩。飲膳亦孔足。族之貧乏者。于焉此歌讀。其師必俊選。其士皆愿樸。鸞湖清且漣。書聲繞水曲。宗祠甚

蘭言集

卷六

密邇。朔望肅瞻矚。悠然思祖德。善氣餘陶淑。茲風漸里閭。寧弗動雍穆。先王崇教術。原不區畛域。一家通一鄉。浸尋暨六服。人各親其親。舉世合敦睦。驚廣誠何為。博施聖所願。百川東到海。支分實同屬。我願足穀翁。樂安以為勗。近時不知始於何人生出一種謬論分詩為二等曰詩人之詩

學人之詩吾不知舍學何以為詩無怪乎淫辭滿紙而詩品日下也吾願取此種詩以挽之

將之宣城別園中草木呈諸戚友

好。友。如。好。花。好。花。皆。我。友。藝。蘭。本。同。心。愛。蓮。無。俗。垢。獨。卧。梅。爭。高。澹。交。鞠。最。久。其。餘。雜。草。木。小。園。靡。不。有。平。生。性。命。依。爛。漫。列。憲。牖。一。日。三。四。探。情。親。

意彌厚。奈何人事牽。倉卒縮黃綬。悽絕毛義心。高堂已無母。獨餘為貧謀。矮屋且低首。聞昔孟武康。案牘伴詩酒。不知嵩陽別。別懷幾縈紐。僕夫理輕策。去隔青峯九。羣花渺含愁。風月憑誰偶。殷勤與花約。直木恐難揉。仕倦會有時。永好留瓊玖。澗對金觴依。望林斂言告。新舊兩此情。復同否。

起筆
西面

俱到結處點
清賓主秩然

山寒欲雪圖

江村避暑如避虎。天青十日無點雨。陳君寄圖來索詩。一片凍雲壓林。鷗而我忽若游其間。朔風蕭

蕭動萬山。

卷六

二七

山人競言雪欲下。古樹葉禿凋孱顏。數間矮屋僅容膝。叢竹四圍疎復密。棲鴉薄暮號林端。荒村處。炊煙出。石梁水急游子歸。歸來風緊塵沾衣。仰視松柏舉翠黛。菰蒲瑟瑟搖荆扉。是時九霄天門上。虬龍怒起作怪狀。仙人洗盃待玉塵。白猿叫跳青巖嶂。咫尺遙通域外觀。藍關灞岸路漫漫。精神收拾一紙內。人意與之生峭寒。寒光慘淡塞四野。寒岫重。費鈎寫捲圖擲筆窺湘簾。赤日依然曬碧瓦。

着意起結用
加一倍高法

一品石歌

原注在無為
州廳事西偏

嗚呼。此石何玲瓏。我欲問上皇。山樵四月得。八十一穴。同不同。將母女媧鍊。就擲海東。不然巨靈踏天俯。太華截斷九朵青芙蓉。石言我本居淮山之谷。當宋之隆。元章好竒如好古。謂我瑰瑋突兀而嵌空。可以坐鎮老夫清秘藏。傾倒察使楊次公。遂爾起居八座加九錫。位晋一品邀首庸。嗚呼爾石亦危矣。粵自崇寧廣開應奉局。花石搜括皆上供。爾獨何幸匿草莽。風流文采襄陽逢。當日寶晉齋中萃裙屐。蘇張晁蔡俱豪蹤。想爾磅礴負氣亦已久。今肯雨淋日炙埋塵封。不知者謂爾如瓠落而

蘭言集

卷六

二八

無容周鼓已作臼。窠掘韓碑且遣麤沙礮。嗟爾側首天地將誰從。楊雄太元必俟後揚雄。安知幾千百歲復有米南宮。頓挫跌宕極似李太白

雨中過宛在園贈丁耘莊昆弟

子猷踏雪到剡中。我亦冒雨訪丁公。灣頭繫艇見翬翼。雙屐聲確飛青筇。主人下堦謁蘭玉。俗格刪盡開心胸。芳園結想久成夢。入門便擬窺簾櫳。翳頭頑童領鎖鑰。掖客左轉浮虹棟。樓臺軒爽面平麓。邱壑點綴非庸工。推窻古寺露紅壁。一篙春漲波溶溶。中厨頃刻辦豐膳。金樽滿泛葡萄醴。坐中

儀虞並儒雅。瓊琚玉佩搖玲瓏。百杯勸我恐未足。
口吃往、勞揚雄。耘莊弟
溉餘爾時檐雷響餘滴。石翠浮

動煙霏濃。小梅娟、破香萼。幽鳥相對鳴柑叢。翻
思昨夜。候潮處。一雨便覺心神慵。此間得雨轉成
趣。不知晴趣當何窮。主人徑欲設賓榻。可憐人事
多牢籠。登舟解纜。屢回首。畫橋絲柳空濛。平原
已訂十日會。何必舊路迷漁翁。

陳阜翁歸釣圖

我昨山陰道上行。鑑湖一曲玻璃明。人家楚、在
圖畫。天生福地誰能爭。今年作簿住江城。雙橋二

蘭言集

卷六

二九

水空為名。不如我鄉上下。柳烟波浩渺。堪怡情。人
生適意惟柴荆。修竹當戶雲滿汀。好花徧插似錦
段。脫粟自飯遺世榮。使爾有田種粳秫。尺水豈復
遊長鯨。使我有田畜妻子。鷄肋之味奚營。君家
湖邊我泖濱。白蘋紅蓼扁舟橫。一竿在手釣非釣。
得魚便合呼兒烹。小槽香滴試新釀。客來相對忘
醉醒。此心此願徒怳怳。曰歸曰歸。未成。鄰生入
幕方英。許丞老矣真何能。披圖笑煞嚴子陵。此首
絕似

蘇長

張悔堂明經邀賞芙蓉及至已殘

本以芙蓉約。來遊恨太遲。美人不我待。竟夕起相思。
流水平橋下。寒鴉落日時。黃花吟句好。還望寫烏絲。

原注聞有
鞠花近作

山行

西風吹竟夕。萬木卸丹黃。人意兼蕭寂。山容入老蒼。
飛泉爭澗曲。野屋澹斜陽。最是田家樂。冬來蓄菜忙。

高格

汪繼培字因可號蘇潭浙江蕭山人嘉慶乙丑進士官吏部主事所著有環碧山房集

對月

蘭言集

卷六

三十

月色明如許。危樓獨倚欄。縱橫千里合。俯仰一身難。
親老名心重。時清仕路寬。可堪長寂寞。終古誤儒冠。

歸家口占

騎馬復乘船。蕭蕭落葉天。歸期近重九。客路又三千。
遠道人猶健。慈親見更憐。燈前相問訊。旅况話從前。

質直
可喜

送十妹偕妹倩孫六歸菱湖并約往探期

一聲行矣各神愴。辛苦舟輿好自防。此去計程剛百里。
我來屈指近重陽。郎君難得如孫楚。門內相

期似孟光休憶高堂重悵望雙魚容易到錢唐三四自然

朱修字德甫號靜庵江南涇縣人乾隆己酉拔

貢生德甫才思敏捷與余從弟雷生同年選拔人皆以大器期之乃天不永年竟未赴都而卒堪為大息

秋霜閣觀瀑布

傑閣背招提幽深藏澗谷激水當窓飛頽雲傍檐
宿隱仄交藤蘿陰厓鬱杉竹空青石氣潤積翠林
光煜涼雨隨風來滲淋貯岩腹化作匹練垂一白
破羣綠珠簾明不收瑤珮碎相觸林蔽隱復現碕
危斷還續薄灑鬚眉碧逼濺肌體粟暑路飛清霜
自炫難久矚因懷謫仙人於焉覓芳躅五月思披
蘭言集 卷六 三一

題景梅亭

二百年來僅此公孤亭猶自亘長空名留身後人
爭惜詩到窮時晚益工壇坫久虛成舊夢江城無
恙想高風淒涼祠墓誰知已只有當時一醉翁起
苔痕草色跡全非百尺亭聳聳翠微一代才名甘
隱吏六朝風雅繼元暉窓迷遠岫雲空靄秋老寒
潭鴈正飛傳向蠻中留韻事居人猶自說弓衣三四恰好

一結神完氣足更擅勝場



